

6043

Упр. Сел. хоз.

Упр. Сел. хоз. : 9.10.47
Заяв. - Проф. Сел. хоз.
Упр. Сел. хоз. : 9.10.47
Упр. Сел. хоз. : 9.10.47

9(47.925)

У-83

Р. 1907 г.

24 JAN 2004

19 AUG 2011

№ 51

«ՅԱՌԱՋ» Ի ԳՐԱԴԱՐԱՆ»

ԱՐԱՄԱՆԻՍ

320
4-29

ՄԻ ՔԱՆԻ ԳԼՈՒԽ

ՀԱՅ-ԹՐԲԱԿԱՆ

ԸՆԴՀԱՐՈՒՄՆԵՐԻՑ

ՄԱՍՆ ԵՐԿՐՈՐԴ

Գինը Լ 10 կպլ.

- I. Ընդհարումներն՝ ապրիլից յետոյ
- II. Դաւանակցութիւնը եւ իմնապաշտպանութիւնը

(47.925)
Q-51

1907 թ.
Թ Ի Ֆ Լ Ի Ս

6043

№ 51

«ՅԱՌԱՋ»-ի ԳՐԱԴԱՐԱՆ

№ 51

(47.925)

Վ - 83

ԱՐԱՄԱՆԻՍ


ՄԻ ՔԱՆԻ ԳԼՈՒԽ

ՀԱՅ-ԹՐԲԱԿԱՆ

ԸՆԴՀԱՐՈՒՄՆԵՐԻՑ

ՄԱՍՆ ԵՐԿՐՈՐԴ

- I. Ընդհարումներն՝ ապրիլից յետոյ
II. Դաշնակցութիւնը եւ ինքնապաշտպանութիւնը



ТИФЛИСЬ

Электротечатня „Г Е Р М Е С Ь“ С. П. Едигарова
Մադար. փող. № 5. 1907

(10)

ԸՆԴՀԱՐՈՒՄՆԵՐՆ՝ ԱՊՐԻԼԻՑ ՅԵՏՈՅ

Յուլիսի 1-ից—12-ը:

Ամիսներ տեղեկին 1905-ի աղէտալից ընդհարումները: Ինչէր չըքաշեցին թշուառ հայ և թուրք ժողովուրդն այդ սարսափելի ամիսներում... երկու սպառազինւած բանակների նման՝ ճակատ-ճակատի էին կանգնել զօրաւոր հարեանները և երկար ու ձիգ ամիսների ընթացքում հողն արիւնով էին պարարում, օդը վառօդի ծխով լցնում, իսկ այնտեղ՝ մեր իշխանաւորները լոկ հանդիսատեսի դերում, հետաքրքրութեամբ դիտում էին, թէ յժբախտ գլադիատորներից որն է աւելի խորը մխելու սուրը՝ հակառակորդի սրտի մէջ...:

Շուշւայ անցեալ ընդհարումներից տառն ամսւն չափ միջոց էր անցել, և այդքան երկար ժամանակամիջոցում բիւրօկրատական կառավարութիւնը իւր ամբողջ սնանկութիւնը ցոյց տւաւ խաղաղութիւն հաստատելու գործում, մեծ ընդունակութիւն ցոյց տալով սակայն սոված ժողովրդից տուգանքներ հանելու մէջ: Նրա այդ-տարօրինակ քաղաքականութիւնն էր պատճառը, որ անկեղծ սրտերից բղխած-հաշտութեան—աղաղակները ժայռերին թաղիւեցին, և երկու կողմերն էլ դադարի կերպով սկսեցին պատրաստել, առաջին իսկ րոպէում պատրաստ գտնւելու միմեանց յօշոտելու համար:

Պատժող արշաւախմբի Վարանդա մտնելուց յետոյ էլ խաղաղութիւնը չըտիրեց: Աղքատութեան դուռը հասած Վարանդան լցեց դառնութեամբ ու անվստահութեամբ դէպի կառավարութիւնը, ինչպէս և միւս գաւառներում

6140
41

Ի՞նչ պէտք է մտածէր այդ բոլորից յետոյ թուրք խաւար մաստան և նրա մէջ գոյութիւն ունեցող աւազակ տարրը, մանաւանդ նրանք, որ անից-տեղից զրկւած՝ Աղլամի շուրջն էին ապաստանել և լցւած էին վրէժխնդրութեամբ... Իհարկէ, նրանք այն համոզման կը յանգէին, որ իրանք կարող են ամեն բան անել հայերի վերաբերմամբ ու մնալ անպատիժ, քանի որ հէնց ինքը, կառավարութիւնը «բարկացած է» հայերի վրայ, և պատժում է չարաչար:

Իսկ ի՞նչ պէտք է մտածէր հայը.—այն, որ միայն ինքն է իւր գլխի պաշտպանը, որ էլ արդարադատութիւն չի մնացել, և թշնամական դժգոհութիւններն անծայրօրէն պիտի զարգանար նրա մէջ դէպի իւր հարեանը, դէպի թուրքը: Այդպիսի հանգամանքներում էլ որտեղից պիտի իջնէր խաղաղութիւնը, հաշտութիւնը: Եւ փոխադարձ ոչնչացումները շարունակուում էին անվերջ: Ծիշտ է, բացարձակ ճակատամարտներ չէին լինում, բայց մասնակի թալաններն ու սպանութիւնները դարձել էին մի տեսակ սովորութիւն, և նոյնիսկ պահանջ:

Շատ երկար կը լինէր, եթէ մի առ մի սկսէինք թելել թէ 1906-ի Ապրիլից յետոյ մինչև Յունիսի 12-ը, երբ Շուշայ երկրորդ կուրս պայթեց, ինչեր են անցել ու գնացել աչքի անցնենք Յունիսի սկզբներում տեղի ունեցած դէպքերը:

Այսպէս՝ դեռ Յունիսի 23-ին պրիստով Բազրատ-բէկին սպանելուց յետոյ, թուրքերը յարձակեցին Խոզլալար հայ գիւղի վրայ, բայց յետ մղեցին:

Յունիսի 2-ին Սիսիանցի թուրքերը շրջապատեցին հայոց Կուշի-Թաղաքնդ գիւղը, և գիւղն աւերել չըկարողանալով՝ տաւրան միայն 18 գլուխ տաւար:

2-ին Վարանդայի Քոստանի գիւղի մօտ Մալը-Բէգլուեցիք սպանեցին Խաչատուր անունով մէկին, իւր 18 տարեկան որդու հետ, որի ձեռները կտրել, տարել էին:

3-ին՝ Խաչէնի Քարաղլուխ գիւղացի մէկին հուճ անելու ժամանակ բռնեցին արտում՝ և մորթեցին:

3-ին՝ Ելլեցիք յարձակեցին Նախիջևանի կեցիկների խոզերն արածացնողների վրայ. խոզարածները փախան. կոզակները վրայ հասան, ձերբակալեցին երկու հայերի, որոնք Շուշայ բանտը նետեցին:

4-ին՝ Շուշու և Թթու-Ջրի ճանապարհին թուրքերը շրջապատեցին մի հայկական քարւան, թալանեցին, մէկին սպանեցին, մի քանիսին էլ գերի տարան:

4-ին՝ երեկոյան ժամի 9-ի մօտերը Մալը-Բէգլուեցիք դարան մտնելով՝ սպանեցին Ն.-բէկ Շահնազարեանցի կինն ու ծանան, իսկ այգեպանին վիրաւորեցին:

5-ին՝ Աղլամի մօտերը գտնուող Ահմէդալար գիւղացի Մուխտար Հաջի Զէյնալ օղլին մօտենալով Խրամորթ գիւղին, կանչում է և տաւում.—մեր ժողովը որոշել է, որ ձեր գիւղը հիմնադատակ կործանենք, ձեզ էլ կոտորենք. բայց որովհետեւ քաջ ժողովուրդ էք, ափսոսում ենք ձեր արիւնը թափել. այդ պատճառով առաջարկում ենք ձեզ՝ վճռել—կամ ընդունել մահմէդականութիւն, կամ սրի ու կրակի մատնել:

5-ին թուրքերը շրջապատեցին Սիսիանու Ղալաջի փոքրիկ հայաբնակ գիւղը. սակայն հայերը 8 կօզակների օգնութեամբ՝ նրանց յետ մղեցին:

6-ին՝ թուրքերը մեծաքանակ ուժերով նորից յարձակեցին Ղալաջիի վրան, շրջապատեցին և հիմնադատակ կործանեցին, կրակի տալով աները: Սպանում են երեսնաչափ հայեր, մնացածը մի հրաշքով փախչում ազատում են:

7-ին Մալը-Բէգլուեցի յայտնի աւազակ Նադիր իւր ընկերներով յարձակեց Խնածախ գիւղի վրայ (Զանգ) բայց յաջողութիւն չունեցաւ. սպանեց ինքը և իւր վեց ընկերները:

8-ին՝ Աւդալ-Գիլաֆլի աւերակներում թուրքերը դարանամուտ լինելով՝ հրացանազուրկ արին Վարազարոյնցի մի երիտամուտը, որ անցնում էր վերևի ճանապարհով, և ձեռքը կտրելով՝ տարան:

9-ին՝ Մալը-Բեգլուեցիք գերի տարան մի Շօշեցի տղի և մորթեցին:

Այսպէս՝ անվերջ. և դրա անունը՝ իբրև թէ խաղաղութիւն էր: Եթէ սրայ վրայ աւելացնենք և այն, որ հայերն էլ նոյն կերպ էին պատասխանում թուրքերին, մարդիկ թալանելով ու սպանելով, ապա հասկանալի կը լինի, թէ որքան էր էլէքտրականացած լով, ապա հասկանալի կը լինի, թէ որքան էր էլէքտրականացած մթնոլորտը: Զուր ժամավաճառութիւն կը լինէր դէպքերի մի առ մի թելել. մանաւանդ որ հնարաւորութիւն էլ չկայ. անթիւ փաստեր թելել. մանաւանդ որ հնարաւորութիւն էլ չկայ. անթիւ փաստեր չեն արձանագրել իրա ժամանակին, որովհետեւ, կրկնում

լով հետապնդողների ձեռքում: Յետոյ միայն պարզեց, որ զրանք Շուշուց գէպի Աղզամ իջնող սուրհանդակներ են եղել:

Յուլիսի 13-ին:

Առաւօտեան վաղ ինքնապաշտպանութեան ղեկավարները ելան Քեաթուկի կողքին ցցւած սարի գլուխը, որտեղից Շուշին հայելու նման է երևում: Ի՞նչ Շուշի... քսան վերստի վրայից լսող թնդանօթների խուլ գոգոցները ցոյց էին տալիս, թէ այնտեղ ինչեր են կատարւում: Ահա լոց... մի քանի բոպէ էլ, և մի կէտից դուրս թաւ թանձր, բամբակաման ծուխ... ձայն չբկայ, վայրկեաններն անցնում են... զըռ... թնդանօթն էր, որտաց: Նորից ծուխ, նորից բոմբիւններ... արեւելեան դարպասից քիչ բարձր, թրքական թաղերի այս ու այն անկիւններում սև-կեղտոտ ծխեր են երևում. այդ թուրքերի տներն էին այրւում... իսկ քանի՞ն էին այդ բոպէին մեռնում, քանի՞ տներ էին որբ մնում...: Տեսարանը քստմեցուցիչ էր և զարհուրեցնող:

Ժամը 8-ին Ասկերանից ներքև լսող հատ-հատ հրացանա-ձգութիւնները կարճ ժամանակում փոխեցին համազարկերի: Թուրքերը, թուով երեք հարիւր, յարձակւել էին Խրամորթ գիւղի վրայ: Խրամորթը յայտնի էր իւր հերոսութեամբ՝ դեռ անցեալ կոիւններից. նա այդպիսի յարձակումների չէր դիմագրաւել. մահաւանդ որ Խաչնու թռուցիկ խումբն արդէն օգնութեան էր հասել: Պէտք է սակայն խոստովանել, որ թուրքերն աչս անգամ մեծ համառութիւն ու տոկունութիւն ցոյց տւին, և 9 ժամու չափ կռիւ մղելուց յետոյ էլ դեռ նրանք չէին ուզում թողնել իրանց գրաւած գիւղերը: Բայց թռուցիկ խումբը կտրիճ գիւղացիների հետ դուրս են վազում զիրքից, սեպածև մխում հակառակորդների շարքերի մէջ ու նրանց շփոթեցնելով՝ քշում մինչև թրքական Չուխուր-Մահալու գիւղը: Թուրքերը տալիս են չորս զոհ, իսկ հայերից սպանւում է զինուոր Ջումշուղը, մի կտրիճ երիտասարդ էլ վիրաւորւում է:

Վարանդայի և Խաչնու սահմաններում այդ օրւայ Խրամորթի կռիւն էր միայն, որ պատահեց. ծայրերը հանգիստ էին երևում:

Յուլիսի 14-ին:

Շուշուց եկող բոլոր լուրերը միայն մի բան են պնդում,

որ թուրքերը սոսկալի վնասներ են կրել, հարիւրաւոր տներ են վառւել, իսկ կին ու երեխաներ հաւաքւել են բանտի պարսպի տակ, իբրև ապահով տեղ:

Ասկերանի շուրջը ոչինչ չէր երևում այդ օրը: Իսկ երկու գաւառների ղեկավարները հաւաքւել էին Խանարադի տակ ընկած այգիներից մէկը խորհուրդ անելու, թէ՛ որչափ ոյժ կաջող են օգնութեան ուղարկել Շուշեցիներին: Որոշեցին ինկատի ունենալով, որ դեռ երէկ արդէն ուղարկւած էին չորս ընտիր տասնեակներ, ապա առ այժմ բաւականանալ զրանով, միայն կենտրոնում դնել վեց տասնեակ, որ կարևոր եղած բոպէին կամ Շուշի հասնէին, կամ Ասկերան:

Յուլիսի 15-ին:

Առաւօտեան տյսը չբացւած՝ հրացանների ձուռցներ բարձրացաւ Թաւ-Գեաղուկի կողմերում, Խրամորթ և Քարապուխ գիւղերի ուղղութեամբ: Չայները շատ էին խուլ, և նմանում էին Շուշուց քսան վերստի վրայ լսող թնդանօթների խուլ բոմբիւններին: Ենթադրողներ եղան, որ այդ՝ կառավարութիւնն է այդպէս վաղ մի որ և է գիւղ ուղարկւած, կամ կռիւ է միայն Խաչնու գետի վրայ, Սարխավանդի ձորերում: Բայց քանի գնաց, ձայներն աւելի որոշակի դարձան և լոյսը բացւելուց՝ բազմաթիւ թուրք խմբեր երևացին Խրամորթի տակ վխտացող և Թաւ-Գեաղուկն ի վեր, գէպի Քարապուխ արշաւող: Պարզեց, որ թուրքերը գիշերւայ մթութիւնից օգտւելով, կարողացել էին աննկատելի կերպով գալ ու Քարապուխ տակ խմբել, ապա իրանց թեքերը տարածելով յարձակւել այդ երկու գիւղերի վրայ: Դժբախտաբար հէնց այդ գիշեր այդ գիւղերին հսկող թռուցիկ խումբը փոխադրւած էր Խանարադ, իբրև Ասկերանին աւելի մօտիկ կէտ, որովհետև լուր էր ստացւել, որ առաւօտեան Ասկերանը պատռել պիտի ցանկանան Աղզամից Շուշի անցնել ցանկացող թուրքերը: Գիւղերն իրանք պէտք է դիմադրէին: Եւ թուրքերն սկզբում տատանւելով ապա մեծ ինքնավստահութեամբ գրոհ են տալիս. սակայն բազմաթիւ յարձակումներից գլուխն ազատած գիւղացիք այս անգամ էլ չեն շփոթւում յանկարծակի արշաւանքից, և սկսում է մի անհաւասար, կատաղի մենամարտ:

Ասկերանի պահակախմբից Վարանդա հասաւ սուրհանդա-

կը, լուր բերելով կուրի մասին.— Խաչէնու թուրքիկն արդէն հասել է օգնութեան, բայց թուրքերը գրաւել են ժայռը.— ասաց նա:

Այդ արդէն վատ նշան էր. ժայռը կախած է Խրամորթի գլխին. այնտեղից կարելի էր տասը հոգով ամբողջ Խրամորթը իւր տեղում մեխել, և Քարագլխի հետ հաշիւը վերջացնել:

Տեղում գտնուող զինւորները շուտափոյթ կերպով ձիանքը հեծան, օգնութեան հասնելու. բայց այդ իսկ ըոպէին՝ Շէլլի գլխից հինգ հարիւրաչափ թուրք ձիաւորներ սրարշաւ հասան Նախիջևանիկի տակ գտնուող Մոսուլնց-Թափա կոչուող բլրակը, մի անկանոն համազարկ տւին և Մարգլլի կողմից օգնութեան եկող հարիւրաւոր ձիաւորներին միանալով տարածեցին մինչև Ղըզըլ-Վաբէլ, չորս վերստի վրայ շղթայ կազմելով: Խնդիրը պարզեց. թուրքերն այժմ որոշ ծրագրով էին շարժուած. մինչդեռ իրանց մի սուլար գունդը Խրամորթին ու Քարագլուխը պիտի աւերէր. միւս մասն էլ Շէլլի մօտ Վարանդայից օգնութեան հասնող հայերի առաջը պիտի փակէր, կամ թէ ցոյցեր անելով՝ տեղում գտնուող ուժերն զբաղեցնել: Եւ նրանց լաւ մտածած հաշիւը շատ ճիշտ պիտի գուրս գար եթէ եղածից աւելի տոկոսութիւն ցոյց տային:

Վարանդայից դէպի Քարագլուխ վազող խումբն ստիպւած եղաւ կանգ առնել. չէր կարելի թրքական մի այդպիսի պատկառելի ոյժ թողնել Նախիջևանիկի, Փիրշամալի ու Վարաղաբոյնի դիմաց, և անցնել, գնալ: Ուստի փոքրիկ մասերի՝ բաժանւելով՝ զանազան ուղղութեամբ մօտեցան դիրքեր գրաւած թուրքերին ու կռիւն բորբոքեց: Թուրքերը մի երկու կէտերից դուրս գալով՝ ուժեղ ճնշում գործ դրին հայերի կողքն անցնելու, բայց այդ թոյլ չտրւեց նրանց. քաջաբար յետ էին մղում նրանց այդ տեսակ բոլոր բայերը: Մի ժամից յետոյ շրջակայ գիւղերից վրայ հասան խմբապետները՝ զինւած գիւղացիների հետ և մի այնպիսի ուժեղ յարձակում գործեցին, որ թուրքերը Ղըզըլից յետ քաշելով, յաջորդ դիրքերին անցան, սակայն Մոսուլնց-Թափան ձեռքից չտալով, որի թիկունքը պահում էին այգիներում նստած թուրք խմբերը: Բայց կուր տաք ըոպէներում երբեմն մարդ կորցնելով հաւասարակշռութիւնը, խելագարութիւններ է անում. այդպէս էլ վարեց ինքնապաշտպանութեան դեկավարներից մէկը. տասներկու հոգուց բաղկացած թուրքիկ խում-

բով նա զարկեց, անցաւ Փիրշամալի կորեկի արտերի միջից, գլուխը շուռ տուաւ դէպի Մ. Թափան, ձիանքը սանձարձակ քշած՝ միասին համազարկ տւին բլրակի վրայ ամրացած թրքական խմբին և առաջ սլացան: Այդ յանդուգն քայլից թուրքերն այնպէս շփոթեցին, որ մի գնդակ անգամ արձակել չըկարողացան, թողեցին բլուրն ու ձի նստելով՝ արշաւասոյթ ծածկեցին մօտակայ այգիներում:

Միւս կողմից էլ թուրքերն իրանց ձեռքերում գտնուող դիրքերը յաջորդաբար թողեցին և չորս վերստի վրայ տարածւած շղթան հաւաքելով՝ կամաց-կամաց խմբեցին, երեք կողմից հայերով շրջապատւած, իսկ մէջ տեղ արդէն սեպած և խուսած էին Մոսուլնց-Թափի վրայ գտնուող զինւորները: Քեաթուկի սարերից իջան ինքնապաշտպանութեան նորանոր խմբեր և այդ ահեղ ուժով վրայ արշաւելով՝ թուրքերին հաւաքեցին Շէլլու գիւղի մէջ, որտեղ էլ նրանք մնալ չը ցանկացան և փախուստ տւին դէպի այգիները: Շէլլուն մնաց անպաշտպան. նրա համար ստեղծեցին Աւդալ-Գիրլաֆլի յար և նման պայմանները. այնտեղ էլ թուրքերը, օգնութեան եկած, կռիւ սարքող թուրքերը թողել ու փախել էին, գիւղերը թողնելով բախտի կամքին: Շէլլի ներքեւի ծայրից կամաց-կամաց բռնաւորւած սայլեր, կին ու երեխաներ երկացին, որ ձիչ ու վայնասուն բարձրացրած, փախչում էին ցած, դէպի Աղբաժի կողմերը:

— Շէլլուն, Շէլլուն, — գոռացին կատաղած գիւղացիները. — աւերենք Շէլլուն:

Եւ ի՞նչ մի դժուարին բան էր անպաշտպան Շէլլուն մոխիր դարձնելը, մի ժամւայ մէջ միայն կարելի էր նրան հիմնայատակ կործանել, տներն աւերել: Բայց Դաշնակցութեան ներկայացուցիչները զսպեցին նրանց մէջ աւերելու հակումները, խուլ տըրտունջ առաջացնելով գիւղացիների մէջ:

Այս երկրորդ անգամն էր, որ Շէլլուն աղաւուռէր աւերումից. մի անգամ Յունւարի 6-ին, և մէկ էլ՝ այսօր. և այդ շնորհիւ Դաշնակցութեան ներկայացուցիչների. որի դէմ այնպէս փոքր փոքր բերանին Աղան է մաքաւում:

Իսկ Խրամորթի շուրջը կռիւն դեռ շարունակւում էր աւելի մեծ թափով. այնտեղի կուրդներին օգնութեան հասնելու ձգտումներ էին ցոյց տալիս և Շէլլուն թողնող, այգիներն ապաստանող

Թուրք ձիաւորները: Բայց մի ժամ յետոյ էլ աւելորդ էր այս կամ այն կողմին օգնութեան գնալը, որովհետեւ խաչէնու կենտրոնից հասել էր մի թուրքիկ խումբ տեղական ուժերի հետ և ժայռը ժաքելի յարձակումներից, իսկ Ասկերանից էլ այնտեղ էր անցել մի փոքրիկ խմբակ, և Ղարաղալի մօտ գտնուող թրքական հանգստարանից զարկելով՝ թուրքերի թիկունքը բռնել: Թուրքերը պարտուած յետ են խաղում վերջապէս Շէլլէի մօտ թողնելով 7 դիակ, 3 ձի, իսկ Քարազլիսի մօտ՝ 8 դիակ, 7 ձի, մի հրացան և մի դրօշակ: Վիրաւորների թիւը յայտնի չէ: Հայերից սպանուած են Քարազլիսի կուռուժ երկուսը, երեք հոգի էլ վիրաւորուած են:

Իսկ Ասկերանի պոստում գտնուող կառավարական զինւորները ժպտով դիմում են վերադարձող հայերին.— է՛, յաղթեցիք...: Դրանք դրւած էին զինւած խմբերի անց ու դարձն արգելելու...

Գիւղացիք էլ, կուից յետոյ՝ էլի հին երգը:

— Էս լինչ տեսակ բան է. էսպէս էլ անտիրութիւն կը լինի... Բանը սա է, որ էգուց էլ գալու են, մտրակի ու զօնդաղի տակ տան, թէ էսքան էսքան տուգանք պէտք է տաք, որովհետեւ կըռիւններ էք անում. կամ թէ՛— զէնքերը տւէք, «կօմիտէները» տւէք:

1.

Վ Ե Ր Զ Ի Ն Օ Ր Ե Ր Ը.

Վարանդայում և Սաչէնում այնուհետեւ տեղի ունեցած կռիւների նկարագրելն աւելորդ է. միևնոյն բաներն են. յարձակում, հակայարձակում, այստեղ սպանւած, այնտեղ վիրաւոր, այստեղ թալան, այնտեղ աւեր, և այլն:

Յուլիսի 15-ից յետոյ երկու կռիւ եղաւ Ասկերանի մօտ, մի անգամ՝ Շէլլէի կողքին, երկու անգամ՝ Լազին-Ջայի տակ, մի անգամ Գիւլաֆլի աւերակներում և մի մեծ ճակատամարտ՝ Բաղւանլարի գլխից մինչև Գիւլաֆլի «Քեհրիզը», մի կռիւ, որի ժամանակ Սաչէնու թուրքիկ խումբը իւր յանդգնութեամբ հիացրեց թէ հայերին և թէ թուրքերին: Նա սոսկալի թափով տւաւ, անցաւ Շէլլէի կողքով, Ամարաթի գլխով և այնպէս ընկաւ թուրքերի վրայ բաց դաշտի մէջ, որ թշնամին փախաւ մինչև Բաղվանլար, իսկ թուրքիկ խումբը կանգ առաւ միայն Դարղա-

Ալուն կալումը, հայկական սահմաններից շատ ու շատ հեռու:

Այս անգամ մենակ թուրքերը չէին յարձակումներ գործողը. հայերն էլ փորձեցին հռչակաւոր Մալը-Բէգլուն աւերել և առաւօտուն դէմ, գիւղը պաշարելով սկսեցին յարձակումը. թուրքերը դիմադրում էին մեծ քաջութեամբ. բայց հայերը զօնեցին և մըտան գիւղը: Բայց այդ իսկ ըոպէին Սանքենդուց որ $1\frac{1}{2}$ ժամայ վրայ է գտնուում, վրայ հասան զօրքեր և մի թնդանօթ. թնդանօթը որոտաց, և ուռւմը պայթեց գլխաւոր դիրքում, որտեղ հայերն ամրացած շարժումն էին ղեկավարում: Դրանից յետոյ հայերն յետ խաղացին, իրանց հետ տանելով երկու դիակներ և երեք վիրաւոր:

Յուլիսի 29-ին Վարանդայի և Սաչէնի ամեն կողմերում լսեցին հրացանները և մեռելային խաղաղութիւնն ընկաւ: Կատարեալ «մեռելային», որովհետեւ երկու կողմերի տններն էլ քանդու էին, և ժողովուրդն ուժասպառ եղել նիւթապէս և ֆիզիքապէս:

Շուշին այս անգամ արդէն կատարեալ աւերակ էր դարձել. այնտեղ մղւել էր մի սոսկալի պատերազմ, որի հետեանքը թուրքերի համար զարհուրելի էր եղել. այրւել էր նրանց 2-300 տները, բաղձաթիւ զոհեր էին տւել, և այժմ էլ շրջապատւած ամեն կողմից հայերով, յարաբերութիւնները խզւած ամեն անկիւնից՝ սովամահ էին լինում:

Կռիւը տեւել էր 12 օր, որի վերջին օրերի համար մի գաղափար տալու դիտաւորութեամբ՝ առաջ եմ բերում «Ալիք»-ի թղթակցի հետեւալ կտորը: «Սկզբում թուրքերն առարկում էին հայերի դրած պայմանի առաջին կէտի դէմ, որ վերաբերում է «Դիկտան-Ղուրու» և Գեօմհար-Ալի դիրքերի ոչնչացման: Թուրքերը բացէ իրաց մերժել էին, ուստի հայերը վերսկսւած կռուում, կիւրակէ առաւօտ, կրկնակի եռանդ գործ դնելով, օգը ցնդացրին «Դիկտան-Ղուրու» վիթխարի դիրքը: Թուրքերը կանգ առան: Նորից հաշտութեան դիմումներ, եղաւ մի թեթեւ թափոր: Սակայն պարզ նկատուում էր, որ թուրքերը ինչ-որ դժոխային պատրաստութիւններ են տեսնում: Հայերը պնդեցին պայմանագիրը ստորագրել, հրաժարելով առաջին կէտից: Թուրքերը ձգձգում էին: Վերջապէս մի ուրիշ կէտ եւ ջնջելով, ուրբաթ նշանակում են վերջնական ժողով: Սակայն թուրքերը նորից չկան: Իրիկնադէմին նրանք գրում են, որ այդ օրը չըկարողացան գալ իրանց

կիրակիի պատճառով, սակայն վաղը, շաբաթ անպայման կը գան
եղբայրասպան կուին վերջ դնելու: Ապա մի շաբթ ըստոյա-
ստիայութեամբ դատաւիտութեամբ են ամբողջ անցեալը և «հրաւիրում
են հայերին հանգիստ մնալ»:

Չանձրացած երկար ժողովներից ու բանակցութիւններից,
յոգնած և ուժասպառ 12 օրեայ կուից, անքուն ու ջղային հայերը
ցրեցին հանգստանալու...

Սակայն սա մի նենգ օրօր էր, մի ժանգ դաւադրութիւն,
երբ քիչ մնաց, որ բոլոր հայերը սրի անցնեն:

Նախ մի երկու խօսք անցրած վերջին օրերի մասին, երբ
թէ և կուի չըկար, սակայն ընդհանուր դրութիւնը աւելի քան
սոսկալի էր: Քաղաքի թէ ներքինից և թէ մանաւանդ վերինից
թուրքերը մեծ խմբերի բաժանում ամենայն համառութեամբ
ձգնում էին ներս խուժել քաղաք: Հերոսական էր հայերի դիմա-
դրութիւնը: Ամեն կէտերից էլ թուրքերը յետ էին մղում տալով
մեծ զոհեր: Քաղաքի թուրքերն էլ հէնց դրսի այս օգնութեան վրայ
մեծ յոյսեր դրած, շարունակում էին հայերին սպառնալ, միւս
կողմից էլ օյինրադութիւններով հաշտութիւնը յետաձգել: Ի գէպ
ասած, վերջը պարզեց, որ բայց և այնպէս, թուրքերը դրսից
օգնութիւն են ստացել երկու խմբերով, մէկը բաղկացած 100
— 150 հոգուց, միւսը աւել քան 580 սպառազինւածներ, դրան
վերադիր և երկու թնդանօթ: Այս ամենից բացի և որ ամենա-
կարևորն է, «բարեսիրտ» մարդիկ թուրքերին լուր էին հասցրել,
որ հայերն այլ ևս փամփուշտ չունեն: Ահա թէ ինչու թուրքերը
վերջին օրերը խիստ համարձակ էին:

Այսպէս ուրբաթ, ամսիս 21-ին, կէսօրից յետոյ, թուրքերը
նստակով հայերին հանգստացրել էին և հայերն էլ ցրել էին
ննջելու:

Ժամը 7-ին մօտ էր, երբ զարհուրելի լուրեր բերին, թէ
թուրք օֆիցերը Գալաշապովի հրամանով, փախած թուրքե-
րին վերստին իրանց դիրքերում հաստատել է և հայերից պա-
հանջում է գրաւած դիրքերը դատարկել: Կոտորածն անխուսա-
փելի է: Հայերի համար խիստ վտանգաւոր է մանաւանդ այն
պատճառով, որ թուրքերին իրանց դիրքերում ամրացնելուց յետոյ,
թուրք սպան իւր զօրքերով հայերի թիկունքն է անցել, շեշտե-
լով թէ մինչև կէս ժամ ձեզ ցոյց կը տամ:

Խլրտումը մեծ էր: Ժողովուրդը լցեց փողոցները: Բողոքը
խիստ էր. Գալաշապովը ստիպւած եղաւ իւր ազիւտանտին թիւ-
րիմացութեան վայրն ուղարկելու, որ կոչւում է Աղա-Րիզի դիրք:
Գնացինք և մենք, հետաքրքիրների մի մեծ խումբ, բոլորն էլ
անզէն: Ազիւտանտը թուրքերին թոյլ տեց վերադառնալ իրանց
նախկին դիրքը որ անցեալ շաբաթ գրաւել էին հայերն արեան
ամենաթանգ գնով: Իսկ հայերը դիրք մտան 25 բայլի վրայ շտա-
պով կառուցած քարէ պատնէշի ետև:

· · · · · ! · · · · ·
· · · · · | · · · · ·
· · · · · | · · · · ·
· · · · · | · · · · ·

Թուրքերը պատրաստ էին յարձակման, իսկ հայերը շտա-
պում էին դիրք պատրաստել պաշտպանելու: Ազիւտանտն ու
թուրք սպան մօտեցան թուրքերին և ինչ որ դադարի փոխ-
ում էին: Այդ վայրկեանին թրքական թաղում պայթեց
սիգնալի մի հրացան և մինչ ևս կամեցայ այն կողմը դիտել, նեն-
գամիտ թուրքերը համազարկերի կարկուտ տեղացին մեզ վրայ:
Հայ կուռդները դիրք մտան, անզէնները փառաւոր փախուստ տւին:
Այս ամենը կատարեց մի ամենաչնչին վայրկեանում: Առաջի
համազարկին զլուրեց մի վրացի զինուոր: Իսկ մեծ փողոցում գե-
ներալ Գալաշապովը մի մեծ խումբ երեխաներ գլխին հաւաքած՝
մեծ զւարճախօսութեամբ պատմում էր Պէլւնայի ճակատամարտի
մասին: Կոտորածը զադարեցնելու ոչ մի ցանկութիւն: Ի՞նչ հոգ,
թէ երկու թշուառ ազգ կոտորում են:

Կուրն այլ ևս բորբոքւած էր: Անմխիթար էր մանաւանդ
հայերի համար, որովհետև խաղաղութեան յուսով, բոլոր կուռդ
ուժերը ցրել էին, մնացել էին, հազիւ մի բամի հարիւր հոգի,
իրանց դիմացն ունենալով մի վայրենի ոյժ, բաղկացած աւելի
քան ութ հարիւր հոգուց (միայն մի թաղում): Հայ հերոսը այս
գիշեր ևս ապացուցեց իւր ուժգնութիւնը: Օրհասական կուից յե-
տոյ, առաւօտեան թուրքերը նորից յետ մղեցին «Աղա-Րիզի»
դիրքից, տալով անթիւ սպանւածներ: Գալաշապովը տեսաւ, որ
հայերը նորից յաղթեցին և թրքական մասը պիտի աւերեն, և հրա-
մայեց. — դադարել, ևս այլ ևս Գալաշապով չեմ, այլ գննիրալ-գուբեր-

նատոր: Հրամայում եմ թնդանօթի կապել ընդիմադրողին:—Եւ կէսօրից յետոյ խաղաղութիւն ընկաւ:

Հասաւ երեկոն: Լուռութիւն է, խորին լուռութիւն: Լուսինը փայլում է կաթնագոյն, կեանքը սահում է... Սակայն... աւերակները կանգուն, սպանւածներն անշունչ!!!»:

Կիսաւեր Շուշին 12 օր դժոխքի սարսափներ կրելուց յետոյ, հանգստացաւ. բայց յուղարկաւորութեան հանգստութիւն էր այդ. մարդիկ կենդանի մեռածներ էին:

II.

Թ Ա Փ Ո Ր

Թափո՛ր... ծանօթ բառ է դա, ծանօթ կ'օմէղիս: Հայ-թրքական ընդհարումների սկզբից մինչև այսօր քանի՜-քանի անգամ են կրկնւել այդ թափորները. Բագու, Բալխանի, Նախիջևան, Երևան, Գանձակ... ամեն տեղ փորձւել է այդ ծիծաղելի դարձած հաշտեցնելու զէնքը. և ամեն անգամ էլ, համբոյժներից յետոյ՝ վերսկսւել են կոտորածներն ու աւերումները:

Այժմ էլ թափոր: Այդպէս է պահանջում գեներալ Գալաշապովը. ո՛չ մի առարկութիւն ոչ մի պատճառաբանութիւն նա լսել չի ուզում.—վաղն առաւօտեան թափոր պէտք է լինի.—պահանջում է նա և որովհետև աւելի շատ ֆլախ կըողները թուրքերը պիտի լինին, ապա առաջինը հայերը պէտք է իջնեն թրքական մասը:

Եւ հայերը հաւաքւել են հայկական մասում գտնուող կուրն ու խորհուրդ են կազմում, թէ ինչպէ՞ս անեն, ժամանակը կարճ է, իսկ վաղը, Օգոստոսի 1-ին առաւօտեան թափորը պէտք է կազմւի:

—Մենք այլ ևս չենք հաւատում ոչ մի թափորի,—ասում է Դահնակցութեան ներկայացուցիչը,—բաւական է, որքան խաբէցինք. այդ կ'օմէղիաներն, այդ ծաղրածութիւններն առաջին անգամը չէ, որ մենք տեսնում ենք. միթէ՞ շատ է անցել անցեալ թափորից, խաղաղարար մասնաժողովներից, որ գաւառից-գաւառ, գիւղից-գիւղ պտտելով՝ հաշտութիւն էր կանչում. ի՞նչ եղաւ այդ ամենի հետեանքը. ահա աչքներին առաջն է: Մենք ոչ մի կ'օմէղիայի մասնակցել չենք կարող, և չենք ուզում: Թափորները չեն,

որ պէտք է վերջ տան այս սարսափներին. մենք ուրիշ միջոցներ ենք ցանկանում տեսնել կառավարութիւնից:


Քիչ լուռութիւնից յետոյ ձայն խնդրեց մի ուրիշը և խօսեց ճշշւած ձայնով:

—Այո, պարոններ, ամենայն կերպ համաձայն եմ, որ կ'օմէղիա պէտք է լինի մեր արածը. բայց ի՞նչ անենք ասացէք. զրգախտութիւնները կարկտի նման միմեանց յետեւից թափւում են մեր գլխին. մի գուցէ մեր յետ կանգնելով ևս մենք առիթ տանք մի նոր դժբախտութեան: Ի՞նչ կ'ասեն թուրքերը, ի՞նչ կ'ասէ կառավարութիւնը,—ահա, կ'ասեն նրանք,—հայերը հաշտուել չեն ուզում: Մեր ի՞նչն է պակասում. քաղաքագէտ լինենք մի քիչ և այս անգամ էլ կազմենք թափորը: Ես չէի ցանկանայ, որ թուրքերը մեզ չհասկանան, և խնդիրը ծուռ ըմբռնեն:

—Թող ծուռ ըմբռնեն, թող հասկանան, ինչպէս որ իրանց կ'ամբն է, թող գեներալն էլ ոտները գետինը թակէ,—գրեթէ գոռաց աչքի ընկնող քաղաքացիներից մէկը,—ես որ այս քաղաքի աչքի ընկնող մարդկանցից մէկն եմ, և իմ բացակայութիւնս գուցէ նըկատուի, երբէք չեմ մասնակցի այդ խայտառակութեանը... կախաղան պիտի հանեն. թող հանեն. չեմ ուզում և չեմ գնայ: Մինչև երբ այսպէս մեզ խաբեն. ևս հրապարակօրէն իմ անվատահոթիւնս եմ յայտնում կառավարութեանը՝ թափորին չմասնակցելով. թափորները չեն, որ մեր վէրքը պիտի դարմանեն. խորապէս համոզւած եմ, եթէ կառավարութիւնն անկեղծօրէն կանգնէ ու կանչէ՝—վերացւի պրօվակացիան, չլինին կոտորածները,—ամեն բան կը վերջանայ: Այս էր իմ ասելիքս. այժմ ինչպէս ուզում էք, այնպէս արէք:

Սօսեցին էլի մի տասն հոգի. բոլորն այրւած, բոլորը յուզւած, և մեծաւ մասամբ ընդդէմ թափոր կազմելուն. բայց տատանւում էին, թէ ի՞նչ պատասխան տան Գալաշապովին: Մէկը խորհուրդ տաւ, և շատերն ընդունեցին, որ գնան գեներալի մօտ, լայտնեն, որ վաղը զոհերին պէտք է հողին հանձնեն, սգի օր է և ոչ թափորի, կըքերը դեռ չեն հանգստացած մեծապէս ֆլառւած թուրքերի մէջ, թափորի ժամանակ խելագարի մէկը մի բան կըսարքէ, ու նորից կըբորբորէ արիւնհեղութիւնը, աւելի լաւ է՝ յետաձգել մի առ ժամանակ:

Այսպէս որոշեց այն յոսով, որ որոշ ժամանակից յետոյ



կը հնանայ խնդիրը, և թափորի հարցն ինքն իրան կը լուծւի: Մի քանի հոգի վեր կացան, ուղևորվեցին գէպի գէներալը, ժողովի ցանկութիւնը յայտնելու համար: Արդէն ուշ գիշեր էր, որ նրանցից մէկը եկաւ յայտնելու, թէ ինչով է վերջացել միասին:

— Վաղը թափոր պէտք է լինի. էլ ոչ մի խօսք. — ասել էր գէներալը և ոտը գետին զարկել:

Հետեւեալ օրը, Օգոստոսի 1-ին հայ ականաւորներէից մի քանի հոգի հաւաքւեցին գէներալ-նահանգապետի դռան առաջ. դուրս եկաւ և նահանգապետը. եկան զօրքերը և նրանց կալանաւորներն նման շրջապատած՝ տարան գէպի թրքական թաղը: Հայերը զողողալով, բոպէ առ բոպէ սպասում էին, որ անա անգութ պրօվակացիան կը գործէ, թափորի գնացող հայերը վտանգի կ'ենթարկեն և Շուշին նորից արեան ասպարէզ կը դառնայ: Բայց, բարեբախտաբար՝ ոչինչ տեղի չունեցաւ: Երկու ժամից յետոյ հայերին միացած՝ թրքական թաղից վերև բարձրացան բազմաթիւ թուրքեր, ակամայ ժպտաւ վշտահար երեսներին: Անկեղծ ուրախացողների թիւն էլ քիչ չէր. նրանցից մէկը, երբ երաժշտական խումբը հետևում էր, — պար էր գալիս և կանչում:

— Այ հայեր, գո՛ւք էլ պարեցէք. որովհետեւ պարերն աւելի լաւ է, քան լաց լինելը:

Իսկ մի ուրիշը յանդիմանօրէն ասում էր:

— Ձեր տունն Աստուած չըբանդէ, Եապօնի բարութիւնան աշտոնդ էիք փոխադրել... անաշէններ, ժայռի գլուխը հաւաքւած՝ ուղղում էիք անդձնողը թափել մեզ, ինչ է:

Խոստովանողներ եղան, որ, եթէ հնար լինէր մի տեղով փախչելու, կուի երրորդ օրն արդէն նրանք կը դատարկէին քաղաքը, բայց տեղ չըկար: Պատմում էին սարսափելի, ցնցող միջնադէպեր, և հայհոյում, անիծում «սաբաբին»:

Թափորը վերջացաւ, թուրքերը ցրեցին հայոց բազարը, թոփխանան: Կուի ժամանակ քաղաքը մի քանի տեղերից բաց էր հայերի համար, և ամեն կողմերից բերել, քաղաքը լեցրել էին տեսակ-տեսակ մրգեղէններով ու կանաչեղէններով: Թուրքերը գնեցին, կրպաններն ու թաշկինակներն լեցրին, մէկը մինչև անգամ փափախն էլ լեցրեց, որովհետեւ իրանց թաղը ոչինչ չէր մտել, և քաղցր, ըստ երևոյթին անկեղծ զրոյցներով ցրեցին գէպի իրանց թաղերը:

Օգոստոսի 1-ից ընկաւ համեմատական խաղաղութիւնը, թէև փոխադարձ անվստահութիւնը դեռ տիրում էր երկու կողմերում: Բայց շատ, շատ էին յոգնած, քայքայւած, ուժասպառ եղած և սպանութիւնները ծայրերումն անգամ պակասեցին, շատ տեղերում նոյն իսկ վերացան, և հայ-թրքական ընդհարումներին՝ բաղձալի վերջակէտը դրւեց:

VII.

Ս Ո Վ

Հայ և թուրք ժողովուրդները տնտեսական մի այնպիսի սոսկալի հարւած կրեցին ընդհարումներից, որ տասնեակ տարիներ յետոյ միայն գուցէ՝ նախկին դրութեանը հասնել կարողանան: Միմիանց ոչնչացնելու պատրաստութիւններն անգին գումարներ կլանեցին երկու կողմերից: Եթէ միջին թիւ վերցնենք, ապա սխալւած չենք լինի, եթէ ասենք, որ իւրաքանչիւրը առնւազն տասն հազար բուրլի է ծախսել «պատերազմական» կարիքների համար և ծուխ դարձնելով՝ բաց թողել օդի մէջ:

1905 թւականի Յունիսին կարկուտը եկաւ և ոչնչացրեց Խաչէնի, Վարանդայի հայ, և Աղղամից վեր գտնուող թուրք գիւղերի արտերը. յոյս կար, որ էլի մի բան կըստացւէր ծեծւած արտերից բայց երկրորդ անգամ էլ վրայ հասաւ կարկուտն աւելի ուժեղ, աւելի անողորմ, քան առաջինը, և այս անգամ արտերի տեղն էլ բան չմնաց, բացի յարդ դարձած ցողուններից: Օգոստոսին սկսեցին արիւնհեղութիւնները. էտրեցին հաղորդակցութեան բոլոր միջոցները. գիւղացիք խփել թողած՝ հրացանն ուսին զինւորներ էին դարձել, և աշնանացան չեղան շատ տեղեր: Ընդհարումները շարունակեցին 906 ին, ու գարնանացանն էլ չեղաւ գրեթէ ոչ մի տեղ, ժանաւանդ որ սերմացու չկար: Շատ տեղեր էլ կարկառից արտերն անհնձել մնացին. օրինակ Աւզալ-Գիլաֆլուն չկարողացաւ իւր արտերը հնձել. Աշաղա, Օրթա և Իւսարի Գիւնէյֆաները՝ նոյնպէս. իսկ թրքական հողերում հայերի ցանած արտերն այնպէս էլ մնացին, առանց իրանց տիրոջ երեսը տեսնելու: Այդ դեռ ցաւի կէտն է. — հայ և թուրք սահմաններում գտնւող բոլոր հողերը մնացին խոպան, գութանի կարօտ: Վարանդայի

Նախիջևանիկ գիւղը 1906-ի աշնանը իւր հողերի կէսն է ցանել, Փիրջամալը՝ նոյնպէս Վարազաբոյնը՝ քառորդը, Ամարասի բարեբեր ընդարձակ հողերի ամենաչնչին մասը, Աւդալ Գիլաֆլուն՝ հազիւ 1/5-ը, Հագուզը, Վէյսալլուն՝ նոյնպէս և այլն։ Աղդամի շուրջը փռած տասնեակ հազարաւոր դեսիաւտին խաղողի ու թթի այգիները թուրքերին այլ ևս օգուտ չէին բերում, որովհետեւ այնտեղ գտնուող միակ հայ գործարանները—Սուրբարեան Ահաբոնեան, Սողոմոնով և այլն,—վառած էին, իսկ թուրքերն արաղ կամ գինի պատրաստել իրանց խաղողից և շուկայ հանել չեն կարող։

Եւ այսպէս անանկացաւ, ողորմութիւն աղերսելու գուռը հասաւ նոր-նոր տնտեսական բարօրութեան հասած գիւղացիութիւնը. ցորենին փոխարինեց շատ տեղերում՝ կորեկը. կորեկն էլ պակասեց. լաւ է, որ գետնախնձոր շատ էր ցանաւ մի քանի տեղերում. սկսեցին գետնախնձորից օգտուել։

Իմ աչքերովս եմ տեսել. մի գիւղում, խրճթի սրահում սաւջը դրած է կրակին, երեք երեխաներ շուրջը նստած, իսկ մայրը եփած ու մանրած գետնախնձորի հետ խառնել է կորեկ ալիւրը, հաց շինել գցել սաջին, և երկու ձեռները հացի վրայ դրել, որպէսզի ցրիւ չըգայ։ Շատ ընտանիքներ այդպէս են ապրել։ Բայց ոչինչ, գովելի առկուտութեամբ գիւղացին էր գիւղացին.—գարունը կը գայ, բուսեղէնները կ'առատանան, եօլա կը գնան, մինչև եղած արտերը կը հասնեն.—այդպէս էին մտածում նրանք։

Արդ՝ այս տեսակ պայմաններում կարելի էր, հնարաւորութիւն կամ արդեօք, այդպիսիներից հարկ, տուգանք հաւաքելու։ Այո, մեր կառավարութիւնն ունէր այդ հնարաւորութիւնը, և գործադրում էր անգթօրէն։ Քեաթուկ, Նախիջևանիկ, Փիրջամալ, Վարազաբոյն Նոր-Շէն, Ղզղալա, Աւդուռ, Միրուշէն, և այլն՝ հազարներով են տուգանք տւել... հապա սովորական հարկն ու միւս տուրքերը, որ կանոնաւորութեամբ հաւաքւել են... էլ հալ կը մնար գիւղերում։

Եւ հեծում է գիւղացիութիւնը։ Բայց ինչ կը լինի նրա դրութիւնը, եթէ նորանոր դժբախտ պատահարներ թափւին նրա գլխին...։

IV.

.....
.....
.....

V.

.....
.....
.....

VI.

«ՄԻՋՈՑՆԵՐ ԵՆ ՁԵՌՔ ԱՌՆԻՍԾ»

Նորից և նորից կրկնում ենք. եթէ Բագլայ կոտորածը տեղին ու տեղը խեղդէր, և յանցաւորները պատիժ ստանային, կառավարութիւնը ցոյց տար որ ոչ մի դէպքում ինքն այդ տեսակ գազանութիւնների համբերել չի կարող, ապա հայ-թրքական ընդհարումներն այսպիսի սոսկալի կերպարանք չէին ստանայ։

Երբ Փետրւարեան սարսափները տեղի ունեցան, պաշտօնական «Кавказъ» լրագրում այդ մասին տպագրեց մի պաշտօնական հաղորդագրութիւն, որ վերջանում էր հետեւեալ տողերով.— «Բագուտ» հանգստութիւնը և հասարակական ապահովութիւնը վերականգնելու համար ձեռք են առնւած պէտք եղած միջոցները»։

Տեսնենք այդ ինչ միջոցներ էին, որ «ձեռք էին առնւած»։

Ես խոյս եմ տալիս իմ աչքով տեսածներս ու ականջով լսածներս գրի անցնելու. բայց կը բերեմ ուրիշների գրածներից կտորներ, որոնցով կապացուցւի, թէ կառավարութիւնը որքան է տրամադիր եղել խաղաղութիւնը վերականգնելու։

«Բագարնայեա փողոցի և հանդիպակաց անկիւնում միջնաքաղաքի պատի մօտ, սպասողական դրութեան մէջ՝ յարձակւելու պատրաստ կանգնած էին թուրքերի զինւած խմբեր, իսկ նրանց մէջ տեղ անշարժ, փայտացած կանգնել էր կօղակների շրջուն խումբը. (Бак. Изв. Կոնստ. Պոստ.)»։

«Կօղակների պիկէտի մօտով վազում են մի խումբ թուրքեր, բէրդանկաներն ու ատրճանակներն օդում շարժելով...։ Նրանք վազում են Նիկօլաեսկայով և ծածկւում Բագարնայեա փողոցում... մի ըոպէ էլ... Զալպ... և աններդաշնակ աղաղակ՝ «ու-

ռոմ»... Ահա ձախ կողմից էլ որոշեց զինւած ամբոխ, հաւա-
սարեց կօզակներ ըստ զգուշացման. և նա տեսնում եմ, ինչպէս նրանք
բոլորէին կանգնեցին՝ կօզակների մօտ, ըստ երևոյթին՝ զրոյց
էին անում» (Бак. Пзв. Կոնստ. Պօնոմ.):

«Ամբոխն սկեց ցրել, աջ ձեռքում բռնած փայլուն ատրճա-
նակներ, իսկ ձախում թալանած ժահուղ, կօշիկներ և այլն: Այդ
կողովորդներին հանգիւստ զինւորների խմբերը անցնում էին
մօտներով, չըխելով նրանց ոչ զէնքերը, ոչ էլ թալանած ապ-
րանքը (Нов. Об. Орск. У.):

«Бак. Пзв.» № 22-ում, ըստ տեղեկագրի 3-րդ քաղաքամասի
պրիստովի, տպագրւած է, որ ա. Կանիթափայտում գտնուող Աղա-
մօվի տունը թալանւել է և բնակիչները կոտորւել են զիշերայ
ժամը 11-ին. մինչդեռ այդ բոլորը կատարւել է անցնող կօզակնե-
րի աչքի առաջ, առաւօտեան ժամը 9-ին» (Бак. Пзв. Աղամօվի
ազգական):

«Ժամը 2-ին մօտ, Բագարնայեա փողոցով զինւորների հետ
անցնելիս՝ ես պատահեցի թուրքերի խմբի, որ թալանում էր
Աղիատսկի փողոցի անկիւնում գտնուող ճոթեղէնի խանութը, և
այդտեղ էլ տեսայ 2-րդ քաղաքամասի պրիստովին մի քանի գա-
րադավոյների հետ, թալանող խանութի մօտ: Իմ յանդիմանան-
քիս, թէ ինչու նա կողովորդների դէմ միջոցներ չի ձեռք առ-
նում, պատասխանեց, որ բաւականաչափ ոյժ չունի. իսկ երբ ես
խնդրեցի թոյլ տալ ինձ այդ դէպքում կրակ բաց անել, պրիստա-
վից մերժումն ստացայ» (Бак. Пзв. կապիտան Բախտամով):

«Ոստիկանութիւնը կատարեալ ձեռնադահութիւն էր ցոյց
տալիս, երբ կոտորում էին հայերին, և եռանդ էր ցոյց տալիս,
երբ հարկաւոր էր լինում հայերին զինաթափ անելու: Այդ գէպ-
քում ոստիկանութիւնը և՛ բաւականաչափ ուժեղ էր գտնուում և
բաւականաչափ բազմաթիւ... Զինւորները կանգնած էին սովոր-
ական հանդիսատեսների նման, և միայն ժամանակ առ ժամա-
նակ խլում էին պաշտպանող հայերի զէնքերը» («Русскія Вѣдом.»).

«Ճանապարհին մեզ պատահեցին այն երկու հայերի դիակ-
ները, որոնք դուրս թռան Շամախու ճանապարհին կողովորդող
տնից և ուղեցին ազատւել կօզակների ձիերի ոտների արանքում:
Կօզակները քշեցին ձիերը, հեռացան, և այդ հայերին պատառ-
պատառ արաւ կատարած ամբոխը» (Нов. Обоз. Орск. У.):

«Փաստեր, որոնք պատասխան են պահանջում. 1) թի է
Բագում հազարաւոր ամբոխին մեր պատերազմական ձիի հրա-
ցաններ տւել. ախր իւրաքանչիւր թուրք իւր ձեռքին Բէրդան և
Սմիտ-վէսսօնի ատրճանակ ունէր. 2) երբ Աղամօվի տունն այր-
ւում էր թուրքերի գցած հրդեհից, ինչո՞ւ հրդեհաշէջները չերե-
ւացին. 3) Որտեղից էին թուրքերն այնքան շատ փամփուշտ
ձեռք բերել, որ շատ անգամ զուր տեղից հարիւրներով արձա-
կում էին. 4) Ինչո՞ւ իւրաքանչիւր առաւօտ թուրքերը հաւաքւում
էին ուշադասով և յետոյ ցրւում քաղաք» (Тиф.).

Բայց ի՞նչ ենք սկսել. այս տեսակ վկայութիւններ հարիւր-
ներով կարելի է բերել. բերածներս էլ բաւական են ցոյց տալու
համար, թէ՛ կառավարութիւնն ինչ տեսակ միջոցներ էր ձեռք
առել՝ բաշխողութիւններին վերջ դնելու: Ամեն տեղ թալանող-
ներն ազատ-համարձակ, հրացանն ուսին, ատրճանակը ձեռքին,
խփում սպանում էին, տներ հրդեհում, խանութներ կողովորում,
և նրանց երեսին ժպտում էին. էլ հարկ կայ հարցնելու, թէ ին-
չո՞ւ կոտորածները ծաւալեցին ամեն կողմերում, ինչո՞ւ Շուշին
աւերւած է, Զանգեզուրը սոված, Վարանդան սղծւած... այսպէս
են ցանկացել չար մարդիկ, այդպէս են ծրագրել, և իրանց նպա-
տակին՝ յաջողութեամբ հասան: Կազմակերպւած ոճրագործու-
թիւնը իւր հաշիւը տեսաւ, սակայն գիտակցութեան է գալիս,
արթնանում է ժողովուրդը, և իւր թշնամուն արդէն ճանաչում է,
և... վա՛յ թշնամուն:

Ես վերջացրի, տալով հայ-թրքական ընդհանրման, այդ մեծ
ողբերգութեան կմախքը միայն. դրանից զէնք գնալ չէի կարող-
եղի աւելի բարեպատեհ հանգամանքներում հնարաւորութիւն
կունենանք նրա ամբողջութիւնը ներկայացնելու իւր բոլոր ման-
րամասնութիւններով ու կողմերով, կամ գուցէ այդ կանոն աւելի
հմուտ և ձեռնհաս մարդիկ այն էլ բաւական է, եթէ սրանով
կարողացայ հայ-թրքական ընդհանրումների մի չըքօղարկւած էջը
ներկայացնելու:

Այժմ, թէկուզ ամենափոքր չափով մի ամբողջական պատ-
կեր տալու համար՝ կնգէի մի քանի գլուխ ևս աւելացնել, չ. 3.
Դաշնակ. դերը պարզելու՝ ինքնապաշտպանութեան գործում:

ԴԱՇՆԱԿՑՈՒԹԻՒՆԸ ԵՒ ԻՆՔՆԱՊԱՇՏՊԱՆՈՒԹԻՒՆԸ

I.

Դաշնակցութիւնը իւր տաճանակ տարիներէ ընթացքում փորձած, եփած ուժերով՝ մի ղարմաճալի հմտութիւն ցոյց տուաւ ինքնապաշտպանութեան գործում, մի տենդոտ ձիւով նա փրկեց ժողովրդին:

«Փրկեց» բառը թող խորթ չհնչէ. ես իսկական անունն եմ տալիս:

Ո՞վ չէ ճանաչում մեր ժողովրդին: Տարիներ առաջ՝ «Մշակ» լրագրում մի լուր եմ կարդացել, որի բովանդակութիւնը հետեւեալն է.—Մաղաւուզ գիւղում մի մեծ հոր կայ, բերանը լայն բացւած. գիւղացիներէից մէկի տավարն է ընկնում մէջը, ոտը կոտորում. միւսի գոմէջը՝ մէջքը ջարդում, երրորդի հորթը, և այլն. և ոչ ոք չի գնում այդ հորը լցնում, կամ բերանը պինդ ծածկում՝ դժբախտութիւններին վերջ տալու համար.—ինչո՞ւ գնամ,—ասում է նրանցից իւրաքանչիւրը.—հոր քանդողի հէ՛րն անիծած. ով քանդել է թող նա լցնէ: Եւ հորը մնում է բաց, նոր ոտներ ջարդելու համար:

Մաղաւուզի այդ դէպքը հեշտութեամբ կարելի էր մի երկու տարի առաջ ընդհանրացնել բոլոր հայ գիւղերի վերաբերմամբ. ընդհանուր ուժերով ժողովրդին սպառնացող աղէտի առաջն եկու գիտակցութիւնը երազ է եղել նրա համար: Մի հասարակ կամուրջ, ջրի համար մի փայտէ աւազան, մի որ և է փլածը շինելը, միշտ մի բարեգործ ձեռքի է սպասելիս ելել: Անվերջ օրինակներ կարելի էր բերել, որ աւազակները եկել, մէկի տունը թալանել են, նոյն իսկ մարդ սպանել, և տանը պատին կպած հարեաններն օգնութեան աղաղակները լսելուց յետոյ էլ՝ չեն դուրս եկել գոնէ աղմուկ բարձրացնելու, աւազակներին շփոթեցնելու: Ընդհանուր առմամբ՝ այդպէս է եղել մեր գիւղերի գրութիւնը, երբ բազում հայ-թրքական ընդհարումներն սկսեցին:

Հեռանկարը սարսափելի էր. ի՞նչ պէտք է անէին այդ խեղճ ու կրակ, «փախկոտ» անունն ստացած գիւղացիները, եթէ յանկարծ գաւառներում ևս յարձակումների տուտը բացէր: Հայերի

մէջ գոյութիւն ունեցող մարտական ոյժ ներկայացնող Դաշնակցութիւնն էր, որ մտաւ ասպարէզ:

Ինչպէ՞ս կազմակերպեց ինքնապաշտպանութիւնը.—դժբախտաբար այդ հարցին առայժմ չպիտի կարողանանք պատասխանել. և թող դրանից չեզրակացնեն, թէ մենք խուսափում ենք հասարակութեան առաջ դնելու կազմակերպման գործը. ոչ այդ չէ պատճառը... Ասենք միայն, որ Դաշնակցութեան ներկայացուցիչներն անձնւիրաբար մտան գործի մէջ և խօսքին միացնելով գործը՝ ամբողջ Ղարաբաղից կազմեց մի կուռ, միացած ոյժ՝ զանազան արհաւիրքների դիմագրաւելու կարողութեամբ: Հանգիստ ու դադար չունեցան այդ պատասխանատու մարդիկ երկու տարւայ ընթացքում: Հեշտ է ձմեռայ ցուրտ դիշերներին ձիով, երբեմն էլ ոտով, մինչև ծնկները հասնող ձեան միջից 7-10 վերստ սար ու ձոր անցնել, ստուգելու համար, թէ՛ շրջակայ գիւղերի խմբապետները կատարե՞լ են իրանց պարտականութիւնը, պահապանները դիրք են դուրս եկել, արթնն են հսկում: Այդ անդուշ ջանքերն էին պատճառը, որ պահապանները միշտ իրանց տեղն էին գտնւում, տեղական հերթապահ ուժերը՝ գիւղամիջում պատրաստ, իսկ սուրհանդակները գաւառի մի ծայրից մինչև միւսն անցնելով զանազան ուղղութեամբ՝ ղեկավարներին միշտ իրազէի էին պահում իրերի դրութեան մասին: Մի գիւղի սահմանից միւսը մտնելն անհնար էր դարձել, մինչև պայմանական նշանները չէին տրւում. և քիչ չէ պատահել, որ գիշերները զաղտնօրէն դիրքերը կօտորօլ անելու համար դուրս եկած ղեկավարները կամ զինւորական խմբապետները՝ հրացանաձգութեան էին ենթարկւում պահապանների կողմից:

Ինքնապաշտպանութեան բարդ գործի պատմութիւնը մի ղարմաճալի էջ է հայկական կեանքում: Ղեկավարները, որ ըսկզբում այնքան կասկածով էին մօտենում հայ գիւղացիութեան, մի ձրկու ամսից յետոյ միանգամայն անհիմն գտան իրանց կասկածները, չհաշւած բազմաթիւ խոչնդոտները, որ գրեթէ ամեն գիւղում յարուցանում էին որոշ դասակարգի մարդկանց կողմից, ինքը, ժողովուրդն, ընդհանրապէս՝ ընդառաջ գնաց ղեկավարների ցանկութեան և կազմակերպելու մի հիանալի կորով ցոյց տուաւ, բնազդմամբ Դաշնակցութեան դրօշակին ապաւինելով: Հին հայդուկների և կամաւորների թուցիկ-ձիւոր խմբերը

գիւղէ-գիւղ անցնելով՝ յոյս ու հաւատ էին ներշնչում գէպի Դաշ-
նակցութիւնը, և ժողովուրդը պատկառանք էր զգում, երբ իւր
աչքերով տեսնում էր, թէ իրանց արիւնը ծծող, իրանց գլխին
թագաւորութիւն անող տեղական հրէշներն ինչպէս են ծակերը
մտել կազմակերպչական գրոհից:

Ընդհարումների սկզբի օրերում գիւղացիութիւնն զգա-
լի չափով վարանոտութիւն ցոյց տւաւ. շատ տեղեր նոյն իսկ
յուսահատական բացականչութիւններ եղան, թէ մենք ինչպէս
կարող ենք դիմադրել թուրքերին. նրանց մէջ դեռ արմատացած
էր այն նախապաշարմունքը, որ հայը պաշտպանւել երբեք չի
կարող, այլ նա ստեղծւած է միայն ծեծելու, թալանելու հա-
մար: Մի երկու տեղ մինչև անգամ արամադրւել էին գիւղերը
դատարկել, անցնել դէպի Շուշի, կամ աւելի «ապահով» տեղեր,
չնայելով՝ որ դեկաւարները դրսից ուժեր էին հասցրել վտանգ-
ւած կէտերին: Բայց երբ առաջին կռիւներում փորձւած դեկա-
վարները, կուռւմ բոված հայդուկներն ու տեղական կտրիճ կա-
մաւորները մի առանձին յաջողութեամբ յետ մղեցին յարձակում-
ներն, այն ժամանակ ինքնապաշտպանութեան ոգին բարձրացաւ
ժողովրդի մէջ և նրանց այլևս ճանաչել չէր կարելի. կարծես դա-
րերով կորցրած քաջութիւնն այժմ ի մի հաւաքւած՝ հանդէս էր
դուրս գալիս:

Կազմակերպողների համար ներքին խոչընդոտները ոչինչ.
կառավարութեան հալածանքներն էին, որ վերջ չէին ստանում.
գիւղեր շրջապատել, սպառնալիքներ կարգալ, 48 ժամայ մէջ
«խռովարարներ» պահանջել, բայց և ոչ մի անգամ օգնութիւն չը
հասցնել այն կամ այն տեղին... Այդ միջոցներում էր, որ օֆի-
ցերի ու կողակների հետ մի «նշանաւոր» հայ գիւղերը մտաւ ու
սկսեց հայոյնը դաշնակցականներին ու քարոզել, որ նրանց դուրս
քշեն իրանց միջից:

Հալածողները բազմաթիւ անգամ, գիւղերը պատելուց թուր-
քերին են իրանց առաջնորդ վերցրել: Նախիջևանիկ մտաւ թուր-
քի առաջնորդութեամբ, Փիրշաժալ մտան ու խուզարկութիւն ա-
րին թուրքի առաջնորդութեամբ ու ցուցմունքներով. Հարաւ՝ նոյն-
պէս. Նինգի՝ նոյնպէս. Սօս՝ նոյնպէս. և այլն և, այլն: Ահա այդ
հանգամանքն էր, որ գիւղացիների մէջ անվստահութիւն էր զար-
գացնում գէպի կառավարութիւնը, թէ այստեղ մի խորհրդաւոր

բան կայ իթէ «իրանց գործիչներին» շատ անգամ աւագակ, նոյն
իսկ ձեռները հայի արեան մէջ շաղախւած թուրքերի առաջնոր-
դութեամբ ու ցուցմունքներով են ուզում բռնել: Այդ պատճառով
նրանք աւելի էին գաղտնապահ դառնում, աւելի ձգտումներ ցոյց
տալիս կազմակերպւելու: Կազմակերպւելու գործը երբեմն վտանգի
էր ենթարկւում և գիւղերից ծնւած հրէշների ձեռքով գաղտնի
դաւադրութիւններ ու մատնութիւններ—երբեմն ծանր հետեւանք-
ներով—նրանց դարչելի ձեռներով էին կատարւում, որովհետև
այլևս մաշկել կեղեքել չէին կարողանում:

Ծանր, անսպասու պայմաններում է տարել Դաշնակցութիւնը
ինքնապաշտպանութեան կազմակերպւել:

II.

Ընդհարումների վերջին շրջանում և ընդհարումներից յետոյ
էր, որ մամուլի մէջ արշաւանք սկսեց Դաշնակցութեան
դէմ՝ ինքնապաշտպանութեան հողի վրայ. յարձակողները կրքով
դուրս եկան բանակուի, և միանգամայն ուրանալով հակառա-
կորդի առաւելութիւնները, չափազանցքին պակասութիւնները.
ապա սկսեցին հայոյանքների մի անվերջ շարան Դաշնակցու-
թեան հասցէին, և որովհետև այդ յարձակումները շատ անգամ
անտեղի ու անարդար էին, իսկ շատ անգամ էլ կատարւում էին
այնպիսի մարդկանց ձեռքով, որ սրի ու կրակի օրերում մատ-մա-
տի չէին տւել, հասարակական գործունէութեան մէջ այնքան էին
փայլել, ինչքան լուսատունիկը՝ խաւաբում, և այժմ իրաւունք
էին համարում ցեխեր շարտել գէպի ամեն կողմ, ուստի բանա-
կուիւր բորբոքեց և՛ հակառակ կողմից, ու քուլքլոցներն անվերջ
եղան:

Մի բան միայն երբեք ներելի չէ մեր հակառակորդներին.
նրանք իրանց յարձակումների մէջ այնքան տարեցան, որ ամ-
բողջ Դաշնակցութիւնը աւաղակների ընկերակցութիւն, իսկ դաշ-
նակցականներին՝ դուլդուր, սրիկայ, պրովակատօր, բուրժուաների
պաշտպան, բաշիբուզուկ անւանեցին, ասացին, որ Դաշնակցու-
թիւնը կեղեքում է ժողովուրդին, նա ամեն բան արել է մնում է
միայն՝ որ խուլիզանական պագրօմներ սարքէ... Այդ թունալից,
կրքոտ հայոյանքներն՝ ինքն ըստ ինքեան՝ զայրոյթ յառաջացրին

դաշնացականները մէջ և նրանք էլ կորցրին իրանց սառնասրտութիւնը, ու պատասխանեցին կրքոտ խօսքերով:

Պէտք է ասել, որ նախ քան մամուլի ձայն բարձրացնելը՝ Դաշնակցութեան ղեմ տրտունջ ու բողոք կար որոշ դասակարգի մէջ. իդուր են տքնում հաստատելու, որ ոչ ոք չի կարողացել մի որ և է դաշնակցականի «թանին թթու» ասել. այդ մեղադրանքն անարգար է. ամենակտրական կերպով կարող ենք ասել, որ ընդհակառակը պէտք եղածից շատ աւելի են եղել «թանին թթու ասողները». և գիտակից, իսկական դաշնակցականը ոչ մի ղեկորում չի խեղդել այդպիսիների ձայնը, այլ վիճել է աշխատելով իւրն ապացուցելու: Ո՛չ դաշնակցական բողոքող տարրի մէջ եղել են մարդիկ, որ ամենայն բարեխղճութեամբ՝ մեր պակասութիւններն են պախարակել, և մենք շնորհակալութեամբ՝ օգտուել ենք նրանցից: Բայց ինչպէս շնորհակալութիւն յայտնէինք նրանց, որոնք յարձակուում էին, միմիայն յարձակելու համար, առանց մինչև անգամ հաշիւ տալու՝ թէ ինչ են անում, ինչ են խօսում:

Շատերից՝ մի նմուշ: Օգոստոսեան սարսափներից յետոյ էր, կարծեմ՝ Հոկտեմբերի սկզբներին. ինչ-որ խնդիրներ լուծելու համար, գաւառներից Շուշի էին հաւաքւել Դաշնակցութեան ներկայացուցիչներն ու Շուշայ առաջաւոր մարդիկ՝ տեղւոյն դաշնակցական մարմնի ներկայացուցիչների հետ: Եւ սկսեց խորհրդակցութիւնը: Սկզբում դեռ ոչինչ նկատելի չէր. բայց կէս ժամ չանցած՝ երեան ելաւ շուշեցի առաջաւորների մի մասի տրամադրութիւնը, և նրանք աջից ու ձախից սկսեցին ոչ խնդրին վերաբերող, իրանց յարձակումները: Նրանցից մէկը, մի բարձրագոյն կրթութեան տէր մարդ, յանկարծ կանգնեց և... ի՞նչ ասաց:

— Պարոններ, — ասաց նա, — Շուշայ 300 վառած տների ամբողջ յանցանքն ընկնում է Դաշնակցութեան վզին: Մըթէ՞ այդ կուսակցութիւնը չէր իմանում, որ կոիւնների ժամանակ կտրող է հրդեհ ևս ծագել, ինչո՞ւ չի վաղօրօք ջրմաղ մեքենաներ բերել տւել, հրդեհը հանգցնելու:

Եւ նրան ձայնակցողներ ևս գտնւեցին... Մինչդեռ Շուշին դեռ տարիներով քաղաքային դուժա էր ունեցել, և տարիների ընթացքում չէր կարողացել ջրմաղների տէր դառնալ:

Մամուլի մէջ եղած մեղադրանքները ևս, ինքնապաշտպանութեան հողի վրայ վերև բերած օրինակիս նման անտեղի, և

զրպարտութիւններ են եղել, և մաղձոտ արշաւանքի ժամանակ չափ ու սահման անց կացրած:

«Ղուլդուր», «սրիկայ», «պրովակատոր», «բուրժուաների պաշտպան»... էլ թթու ու կծու հանդանք չմնաց, որ չթափէին Դաշնակցութեան հասցէին. և այդ բոլորը նրանք ասում էին աւելին, երբ նրանք պատառած սենեակում, մահուղաղարդ սեղանի վրայ «ղուլդուր» բառի գիւտն էին անում հասարակութեանը մատուցանելու, մենք տեսնում էինք այդ դաշնակցական «ղուլդուր» զինւորին. նա ընկած էր Ասկերանի մօտ, Նախիջևանի կողքին... նա դուրս էր եկել իւր ընկերների հետ հայ գիւղացու ինչքն ու գոյքը, ընտանիքի պատիւը պահպանելու. բայց գնդակը մի աչքի առաջ նրան գլորեց, և նրա ջիգեարը տարան թուրքերը, նախօրօք դեռ թրթռացող կուրծքը պատռւելով... Այն բոլորին, երբ մի սրտառուչ համերաշխութեամբ «բուրժուաների պաշտպան» բառին էին թնդեցնում քաղաքների զարգարուն տնկելու, մենք տեսնում էինք այդ «բուրժուաների պաշտպան» դաշնակցականին... դեռ երէկ նա տեսել էր արիւնազանգ օրօրոցը, հայ գեղջուկի մանուկն էր խողխողւել, և այսօր դուրս էր եկել մնացած մանուկների կեանքը իւր գնդակներին ապաւինելու. բայց նա թողել է իւր կիներն ու երեխաները, իսկ ինքն ընկած է Գիւլաֆլուի կողքին և շրթունքները մրմնջում են վերջին բառերը. — Ոչինչ, մի վախճար, գիւղը պաշտպանեցէք...», Այն բոլորին... բայց՝ բաւական է... Մարգարը, Արտէմը, Ռուբէնը... դրանք «պրովակատորներ», դրանք «ղուլդուրներ»... բաւական է. Հ. Յ. Դաշնակցութեան պատմութիւնն արիւնով է կաղապարւած, և մերկ, արիւնոտ փաստեր շատ ու շատ կարելի է առաջ բերել:

«Դաշնակցութիւնը կեղեքել է ժողովրդին...». օ, ինչքան են սիրում նրանք հայ ժողովրդին, երբ առաւօտեան չայն ու դաւիտակին էին աճուշտ անում, կէսօրին՝ համադամ խորտիկներ, իսկ երեկոյները... Այո, շատ էին սիրում «թշառ» «տղէտ», «կեղեքւող» ժողովրդին, երբ բոլոր յարմարութիւններն ունէին իրանց պատական գլուխներն ազատելու այն գնդակների տարափից, որ թափւում էր «ղուլդուրների գլխին. շատ էին սիրում ժողովրդին, երբ իրանց ստամոքսն ազատ է եղել կորեկ հացի այն տանջանք-

ներից, որ «բուրժուաների պաշտպան» դաշնակցականների կողմը խաղաղելով էր ցած իջնում...

«Ժողովուրդն ինքն է իրան պաշտպանել»։ աղաղակում էին Դաշնակցութիւնը հայհոյողները, և յաղթութիւնը տարած ըմբիշի նման մի ոտ առաջ դնելով՝ «մեանա բիրդանիս» գոռում։ Բայց ով ասաց այդ փիլիսոփաներին, թէ ժողովուրդը չէ իրան պաշտպանել. փառք նրան, մեր ժողովրդին. նա դեռ կապրէ, որովհետեւ մենք տեսանք, թէ նրա կուցած մէջքն ինչպէս դքեց, և նրա ճակատի խորշումներն ինչպէս չքացան, երբ կեանքի ու մահու խնդիրն էր պարզւած նրանց համար։ Դաշնակցութիւնը տեսաւ այդ՝ իւր սեպհական աչքերով. բայց նրա հակառակորդներն էլ տեսան... ոչ։ Որտեղ էին նրանք, երբ դաշնակցական անձնուրաց գործիչները գիւղական խրճիթներում միջատների անխնայ արշաւանքներին հնթարկւած՝ անքուն, անձրևի ու ցեխի բարիքները վայելելով՝ շարունակ կրկնում էին. — Ժողովուրդ, դքացրու մէջքդ, կուրծքդ ուղղիր, ճանաչիր իրաւունքդ, և կազմակերպւելով՝ յետ մղիր քեզ համար նիւթուղ նենդ հարւածները»։ Որտեղ էին, երբ դաշնակցական շրջիկները Զազարում, Դիլաղարում և այլն, համերաշխութեան գաղափարն էին քարոզում թուրքերի մէջ, նոր դաւանանքներ սերմում այնտեղ, պատրաստուող պրօվակացիան տեսնելու համար՝ նրանց աչքերը բաց անում և այնքան սիրում, որ թուրքերը բազմաթիւ ձիււորներով են նրանց անց կացնում, խնդրելով յաճախ այցելել ու խօսել այնտեղ. որտեղ էին, երբ դաշնակցական մարդիկ յաւաքներութեան մէջ էին մտել Աղդամի մի քանի աղղեցիկների հետ, խնդրելով զգուշացնել թուրք ժողովրդին պրօվակացիայի, դաւադիրների գործիք չդառնալ. որտեղ էին, երբ երկրորդ ընդհարման մղձաւաջը վերացնելու ցաւով տողորւած Դաշնակցութիւնը Վարանդայի բազմաթիւ գիւղերում հայ և թուրք հասարակութեան առաջ դուռն էր տրաքեցնում, բռնների պաշարն սպառում, որ վերջ տրւի այն խայտառակ, եղբայրասպան կռիւն, այն աննպատակ արիւնհեղութեանը. որտեղ էին, երբ սարսափած ժողովրդին սիրտ էր տրոււմ, ով էր նրանց խրախուսողը, նրանց արտասուքը սրբողը, նրանց վերքերը կապողը... Դաշնակցութիւնը քաջջողները տեսել էին այդ. ոչ, նրանք ոչ այդ բուրբ, և ոչ էլ դրանից յետոյ եղածները տեսան, որովհետեւ շատ

էին հեռու ժողովրդից, և միայն զբաղւած էին արիւնը զոհաբերող Դաշնակցութեան համար ածականներ որոնելով։

Եթէ նրանք իսկապէս սիրում էին ժողովրդին, հապա ինչո՞ւ էին ծակուծուկները մտել, ինչո՞ւ չէին ժողովրդի մէջ մտնում, նրա փշրւած սիրտն ամբողջ, ցաւերը դարմանում, ժողովրդան ինքնապաշտպանութիւնը կազմակերպում, նրա աչքերի թանձր մառախուղը ցրւում, երբ նրանք ժողովրդին մի անգամ գոնէ—ջանս ձեզ մատաղ—ասացին և մենք ծիծաղեցինք. նրանցից որի՞ ճակատը ներկեց յանուն ժողովրդի, և մենք տկնածութեամբ դուռն չխոնարհեցինք... Նրանք այդ չարին, իսկ անողներին՝ «աւազակ, դուրդուր» անուանեցին։

Միամտութիւն կը լինէր պնդել, որ դաշնակցականների մէջ չեն եղել մարդիկ, որ Դաշնակցութեան հաւատն ի չարն են գործ դրել, ծեծել են մարդկանց, փող են կորզել, և այլն. բայց այն սե ու մի էին տարին մի կուսակցութիւնից, որ անքանքալով, արիւնոտ կրծքով, կուր ասպարէզում մենակ մնացած, իւր բազմատանջ ուսերի վրայ էր քարշ տալիս մի ամբողջ ժողովրդի գոթեան խնդիրը, որի դրօշակի տակ բնազդմամբ, թէ մի տարերային մղմամբ ապաւինել էին հարիւր-հազարաւոր ժողովուրդ, մի կուսակցութիւն, որ իրերի բարդմամբ ստիպւած էր մի քանի Ֆրօնտի (ներսի և դրսի) վրայ կուելու, կրկնում է, մի այդպիսի դրութեան մէջ գտնուող կուսակցութիւնից կարելի էր պահանջել, որ նա շեղումներ չունենայ, որ նրա մէջ եղող բոլոր անհատները, լինի դա գիւնուր, թէ շրջիկ, գիւղացի, թէ գործի ղեկավար և այլն, այդ բոլորը լինէին մի-մի իղէալներ, մի-մի սրբութիւններ. Աշխարհիս երեսին գոյութիւն ունեցող բոլոր կուսակցութիւնների մէջ կա՞յ այդպիսի մի կատարելատիպ, ձիւնի պէս անբիծ կուսակցութիւն, որի մէջ երբէք եղած չլինին անվայելուչ գործերի մէջ ներկւած մարդիկ։

Արդ՝ ով էր «դուրդուրն» ու «սքիկան». նրանք, որ պոռոտախօսութեամբ, անւանարկութիւններով ու հայհոյանքներով էին ուղում մարդիկ գրաւել ու «ժողովրդի շահերը պաշտպանել», թէ՛ նրանք, որ գիւղացու խրճիթի կողքին այդ պոռոտախօսների փոխարէն էլ էին իրանց արիւնը հոսեցնում. ով էր «դուրդուրը». նրանք որ մի թանաքսման թանաքով էին ամբողջ ազգը փրկել, թէ՛ նրանք որ թանաքի էլ էին կարօտ մնացել, գրքի էլ, լրագրի

էլ որ ամիսը մի անգամ էին արտաքին աշխարհի մասին լուրեր լսում, բայց տանում էին այդ բոլորը, պակասը լրացնելով գիւղացու հետ ունեցած միտք լուսաւորող զրոյցներով, և նրա ցաւերին մասնակցելով յազարման տանելով:

Եթէ նրանք ժողովրդին սիրում էին այլևս սրտով, անկեղծ սիրով և գտնում էին, որ Դաշնակցութիւնը քանդում է իրանց սիրած ժողովրդի տունը, ապա նրանք չըպիտի հանգուրժէին. ամենայն ուժով ամենայն թափով, առանց ուշադրութիւն դարձնելու, ոչ մի խոչընդոտի, նրանք պէտք է մտնէին գաւառներն ու գիւղերը, և՛ կամ ինքնապաշտպանութեան գործը իրանք տանէին, կամ ինքնապաշտպանութեան շարքերը մտնէին ու Դաշնակցութիւնից «բղիտող չարիքների» առաջն առնէին: Այդ է բնական թուիչը, սիրող սրտի համար. բայց նրանք այդ չարին, այլ շարունակեցին հայհոյանքները. իսկ չարին որովհետեւ կեղծում էին, «ժողովուրդ» բառը շահագործելով՝ հաշիւ էին մաքրում Դաշնակցութեան հետ:

III.

Դաշնակցականների համար երբէք վերաւորական չէր լինի, եթէ նրանց հակառակորդները Դաշնակցութեան «պակասութիւններն» այնպիսի եռանդով արձանագրելով ու դատաւիտելով հանդերձ՝ չուրանային այն անձնագոհութիւնն ու տաժանելի գործունէութիւնը, որ Դաշնակցութիւնն է ցոյց տւել իւր ծագման սկզբից մինչև այսօր: Բայց երբ տեսնում ես, որ կրքի թափին անձնատուր եղած մարդիկ այնքան են տմարդի դարձել, որ չեն խնայում դիմացինի ամենասուրբ զգացմունքները, որ քեզ աւագակ են անւանում միմիայն նրա համար, որ այս ինչ գիւղում Դաշնակցութեան անունով մարդ է ծնւել, կամ տուգանքի ենթարկւել, որ քեզ «ղուղուր» են մկրտում որևէ մէկի սխաղործութիւնների պատճառով, — մինչդեռ դու տամսեակ տաբիններ ամենավսեմ գաղափարներով ես առաջնորդւել, և յանուն այդ գաղափարի՝ նոյն իսկ ամենաթանկագին ստացուածքդ-կեանքդ նւիրաբերել, այն ժամանակ չես կարող չբացականչել, որ հակառակորդներդ անազնիւ մարդիկ են:

Եթէ, օրինակ, նրանք Դաշնակցութեան ծրագիրը դնէին

իրանց առաջ և կէտ առ կէտ քննադատէին ու աշխատէին ցոյց տալ, որ Դաշնակցութիւնը սխալ հիմքերի վրայ է գործում, մարդիկ միայն շնորհակալութեամբ կը մօտենային այդ ձևի բանակաւին ու կը վիճէին մաքուր, սկզբունքային բանակաւով *). Բայց երբ պանութեան ժամանակաշրջանից դէպքեր վերցնելով կեղտաշուր են թափում գլխիդ, գոռալով, որ դու միայն դրան ես արժանի, որ բոլորչակիդ վրայ միայն «թալանն ու սպանութիւնն» է գրւած, այն ժամանակ էլ ի՞նչ բանակաւ, ի՞նչ գաղափարի վէճ:

Դաշնակցութեան հասցէին անթիւ մեղադրականներ կարդացին. — որ ծնւում են մարդկանց և ծնող Դաշնակցութեան գործունէութեան ոգին է, սխտեման. որ նա կողոպտում է ժողովրդին. որ նա ժողովրդին աղքատացրել է, և գիւղացիք ստիպւած՝ օտարութեան են դիմում, որ Դաշնակցութիւնը միացրել է ժողովրդի ձեռներէցութեան ոգին, և այլն: Այդպէս է արդեօք:

Դաշնակցութեան գործունէութիւնը պէտք է բաժանել երկու ժամանակաշրջանի, — Տաճկա-Հայաստանի գործունէութիւն և Կովկասեան ինքնապաշտպանութիւն. ամենասաստիկ յարձակումներն ու մեղադրականները վերջին շրջանին են վերաբերում, և մենք կաշխատենք ցոյց տալ, եթէ որքան իրաւացի էին մեղադրողները:

Թրքական հարւածը մեր գլխին իջաւ մի այնպիսի բուռնութեամբ, որ մենք բոլորովին չէինք սպասում նրանց կողմից: Թող Դաշնակցութեանը դատապարտեն անհեռատեսութեան մէջ, բայց դա փաստ է, որ առաջին բուռնութեամբ Դաշնակցութիւնը միայն բերանը բաց դարձացել էր և ինքն իրան հարց տալիս. — միթէ՞ սա իրականութիւն է: Բայց երբ դրութիւնը պարզեց, և յայտնւեց, որ դժբախտաբար երազ չէ այդ, որ հայի գոյութեան խնդրին իսկապէս վրտանգւած է Կովկասում, այն ժամանակ միայն սկսեց մի խելակորոյս, տենդային գործունէութիւն՝ ինքնապաշտպանութեան համար:

Չգիտեմ որտեղ էին գտնուում այժմ աքաղաղացած, յետին թւով խելօք գործեր կատարող «գործիչները», բայց այն ժամանակ ամենավտանգաւոր տեղերում մենք միայն դաշնակցականներին տեսա՞ք, որ գիշերը ցերեկ դարձրած, խելադարւածի նման, յուզմունքից լաց լինելով (չառ փաստեր կան), գիւղէ գիւղ էին ընկել, ինքնապաշտպանութիւնը կազմակերպելու: Գործը յեղափոխական գործ էր, այլ զուտ ինքնապաշտպանական. կոխը տիրող կարգերի դէմ չէր, այլ կիսնք ու գոյք սպանողիւ համար. որտեղից կարող էիր

*) Պէտք է խոստովանել, որ Ս. Մ. Բ. Հայկազմակերպութիւնը իւր օրգանով բաւական մաքուր կռիւ է մղել. և դա միակ բացառութիւնն է:

այնքան դործիչներ գտնել, որ բաւարարութիւն տային լայնածաւալ նահանգների բոլոր վտանգւած կէտերին: Եւ անա ասպարիզի վրայ կանգնած ենք տեսնում իսկական գաղափարական գործիչների հետ և մի շարք ուրիշ «Դաշնակցական գործիչներ».—մէկը քաջ է եղել, բայց աւաղակութեամբ պարագող. սրտոտ է, ծակ ու ծուկ իմացող.—առ քեզ մի տասնեակ, այս ինչ ձորը պահպանիր. և նա՝ տասնապետ է: Մէկը լաւ ձի նստել գիտէ, լաւ նշան խփել է իմանում և հմայք ունի. զինւորները նրա հետ իրանց քաջ են զգում.—առ քեզ այս ինչ շրջանի զիրքերը կառավարիր.—և նա շրջանապետ է: Մի ուրիշը ժողովրդի հոգեբանութիւնը լաւ ճանաչում է կարողանում է ազդել ու գրաւել նրանց.—գնա այս ինչ շրջանը կազմակերպիր.—բայց Դաշնակցութեան ծրագիրը գեռ չէ կարդացել: Եւ այլն, և այլն: Եւ դրանք բոլորը, ըստ Դաշնակցութեան հակառակորդների՝ դաշնակցականներ են, և Դաշնակցութիւնն է պատասխանատու նրանց կատարած բոլոր գործերի համար:

Երկու տարւայ չափ շարունակեցին ընդհարումները. երկու տարի զինուորական դրութիւն էր, և, այսպէս թէ այնպէս՝ ստեղծուեց զինւորութիւն՝ զինուորական կարգապահութիւն—իւր իսկական իմաստով—մտցնել ժառանգի մէջ, խիստ զժւար է. դուրս սողացին լրբութիւններ, անիրաւութիւններ. և որովհետեւ մէյ-դանում միայն Դաշնակցութիւնն էր կանգնած՝ ուստի և այդ բոլոր պակասութիւնները նրա վրէժն փաթաթեցին: Ով մի անգամ ազգի անունը տալիս փռուցեց էր, իրաւունք համարեց ազգի անունով արտասուք թափել, նրա վշտերը սգալ և բշտելու, թէ քո թշնամիդ Դաշնակցութիւնն է. ով խռոված էր Դաշնակցութիւնից այս կամ այն բանի համար, սկսեց իւր սրտի աղուն թափել թերթերի մէջ, և միշտ մի տեսակ քինախնդրութեամբ լցւած, միշտ կրքոտ, միշտ թունալից:

Դաշնակցութեանը մեղադրեցին, որ ձեծելը նրա սկզբունքն է. բայց մենք ասում ենք, այո, ձեծեր տեղի են ունեցել, բայց ինքնապաշտպանութիւնը կազմակերպելու ջղային գործունէութեան ժամանակ. ձեծել են այն անհատները, որոնք զանազան միջոցներով աշխատում էին ինքնապաշտպանութիւնը վտանգել: Ով է կարող արգարացնել ձեծը. միամտութիւն կը լինէր այդպիսի մի ստոր գործողութեան պաշտպան կանգնել. բայց ամեն մի գաւառում եղող 3—4, կամ հինգ իսկական դաշնակցականները կարող էին տեսնել թէ ինչ է կատարւում գաւառի այս կամ այն ծայրում, իսկոյն և եթ առաջն առնելու համար: Մէկ էլ, եթէ խաղաղ գործունէութեան ժամանակ լինէր, ձեծը երբէք չէր՝ ներքի գործարողներին. խօսքը և բարոյական ոյժը պէտք է դրւած լինէր ասպարիզում, մինչև որ երկար-երկար տարիների ընթացքում կարելի լինէր մարդկանց որոշ աշխարհայեցողու-

թեան, որոշ դաւանանքների տէր դարձնել. իսկ այստեղ ոչ թէ տարիները, այլ օրը, ժամը նշանակութիւն ունէր. պատերազմական դրութեան ժամանակ յանցաւորները, կարգը խանգարողները գնդակահարւում են. իսկ այստեղ՝ դէր-պատերազմական դրութիւն էր, դրա վրայ աւելացած՝ հայի օջախի, կնոջ պատիւը: Այդ իսկ պատճառով ինքնապաշտպանութիւնը կազմակերպելու ժամանակ տեղի ունեցած պատիժների մասին մենք որոշ չափով ներողամտութեամբ ենք մօտենում:

Որո՞նք են ձեծելը:

Օրինակ.—ինքնապաշտպանութեան ղեկավարներն Ա. գիւղում զիրքեր են նշանակել, որտեղ գիշերապահներն անպայման գիշերները պէտք է հակեն. բայց գիւղի երկու ցեղերը օգտուելով ղեկավարների բացակայութիւնից՝ կանգնում են ու գողում.—Շունշան որդիք, ի՞նչ գործ ունիք այս ինչ զիրքերում. այսուհետև ով որ այնտեղ գնայ, նրա տունը կրակ ենք տալու: Պահապանները գիւղն են քաշւում. հետեանքն այն է լինում, որ երկու օր յետոյ, թուրքերն առօք-փառօք գիշերը գալիս, գիւղն են մրտնում, և միայն Դաշնակցութեան թուրքիկ խմբերն են հասնում ու գիւղը փրկում: Քննութիւնն ու հասարակութեան միահամուռ բողոքն ապացուցում է գիւղական տղուկների կատարածը և նրանք ձեծւում են:

Ամենավտանգաւոր տեղերից մէկն է Բ. գիւղը. այնտեղ ինքնապաշտպանութիւնն է կազմակերպւում. բայց երբ ցեղերի մէկից որոշ պարտականութիւններ են պահանջւում, որ նա գիշերները իւր հերթին դիրք դուրս գայ, կամ այլ հասարակական պարտքեր կատարէ, նա իւր վաղեմի դիրքն է յիշում և ձեռքը խանչալին տանում,—ու ձեծւում է:

Մի ուրիշ Դ. գիւղում մէկը խողեր ունի. նա շարունակում է առաջւայ նման հասարակական բողոքն անարգել, և իւր ուժերին վստահ խոգերը բաց թողնել, այգիներն ու արտերը փչացնել: Չորս անգամ գիւղացիք բազմաթիւ ստորագրութիւններով դիմում են շրջիկին ու միւսներին և չորս անգամ էլ «ականաւորը» նախազգուշացնում է, որ խողերին կանոնաւոր հսկողութիւն նշանակէ. բայց նա էլ իւր էջն է քշում, և հրացանը վերցրած՝ յարձակւում գիւղացիների վրայ: Գիւղացիք բարկանում են և կտրական կերպով պահանջ դնում.—կամ իրանք կը յարձակեն ու խողերը կը կոտորեն, կամ Դաշնակցութիւնը թող վերջապէս սանձահարէ այդ գիւղական պատուհասին: Եւ նա ձեծւում է՝ հինգերորդ նախազգուշացումից յետոյ:—Եւ այլն, սրա նման շատ օրինակներ:

Հարց է ծագում, թէ ինչպէ՞ս կը վարւէին Դաշնակցութեան «ազնւասիրտ», «մարդասէր» հակառակորդները, եթէ նոյնանման պայմաններում իրանք լինէին գործելիս, եթէ ներքեւում թուրք

ձիւտորները խմբերը լինեն դուրս եկած, իսկ դու գլխիդ այրեցը մեղմելու համար ձակատիդ ձիւն ես կապել. և այստեղ մի քանի սրիկաների պատճառով՝ կազմակերպած մարտիկ խմբերդ են քայքայման վտանգին ենթարկւած:

Այդպիսի պայմաններում առաջացած պակասութիւնները վերցնել ու շահագործել, մանաւանդ երբ դրանք չեն բոլորով դուրս դաշնակցական տրամադրած ոգուց՝ աւելի քան տարրութիւն էր Դաշնակցութիւնը «քննադատողներին» կողմից:

Դաշնակցութիւնը մեղադրեցին, որ նա թալանել, կողոպտել է ժողովրդին:

Մտնենք Ա. գիւղը: Մի մերկ գիւղացի է. աղա Սերովբից մի ժամանակ պարտք է վերցրել 53 ռ. փող. 12 տարւայ ընթացքում իւր պարտքի դիմաց վճարել է 152 ռ. փող. 45 վեդրօ գինի, վեց կուժ արաղ, և այժմ նրանից աղան պահանջում է էլի 215 ռուբլի: Դաշնակցութեան ներկայացուցիչը չէ դիցուք, այլ՝ նրա հակառակորդը. ի՞նչ կանէր. չէ՞ր ասի. — լի՛րբ, աւագանի, — և մուրհակը պատռելով խփէր գարշելի աղայի դնչին: Կանէր, անշուշտ կանէր, բայց որովհետեւ անողը Դաշնակցութիւնն է եղել՝ դրա համար էլ այդ գործողութիւնը «կեղեքումն» կոչեցին:

Մտնենք Բ. գիւղը. հասարակութիւնը լալիս է. գիւղի «պատուելի Մուխանը հարկահանութեան ժամանակ հարիւրներ է իւրացրել. ինքը ոչնչով չի պարտապում, ձեռները հողի վրայ չեն կոշտացել, բայց հարուստ է, անւանի, պատուելի, բոլորը դողում են նրանից. — մատս բարձրացնեմ՝ գիւղը պիտի գուռայ. — ասում է նա և փափախը ծուռ դրած՝ քէֆեր է անում ամբողջ տարին. չի աշխատում, բայց տարեկան մի անգամ հարկահանութիւն՝ և նա ապահովւած է: Մի թուրքիկ հայեացք հաշիւները վրայ բաւական է, որ քեզ սարսափների աշխարհում գտնես. այս աստիճանի էլ սրիկայութիւն...: Չէ՞ին ասի՝ հրէշ, գազան, վերադարձրո՛ւ հասարակութիւնից ծծածդ փողերը. կասէին, բայց որովհետեւ ասողը Դաշնակցութիւնն է եղել, բողոքեցին:

Մտնենք Գ. գիւղը. Ոճլա-Մակիչը գրւանքան 2 կոպէկով աղ ունի առած, բայց ճանապարհները փակւել են, և նա օգտուելով հանգամանքից՝ 16 կոպէկով է ծախում. 5 կոպէկով նաւթ է առել, 30 կոպէկով է ծախում. ցորեն ունի, բայց գիւղացիներին չի տալիս. — այնքան պէտք է պահեմ որ մի չլալ ցորենով (7 փութ) այգիդ առնեմ: Ի՞նչ կանէին, չէին ասի՝ տգրո՛ւկ, ցեց, շահիր, բայց խղճմտանքով, և ոչ թէ մէկին՝ 600—800: — Եւ այսպէս բազմաթիւ օրինակներ:

Դրանք էին կեղեքածները. եթէ դրանք էին, ապա ճիշտ որ Դաշնակցութիւնը ոչինչ չի խնայել այդպիսիների ծծելու ընդունակութիւնը չափաւորելու համար. այո, նրանք հալածւել են

անողորմ կերպով, նոյն չափով, ինչ չափով որ իրանք էին խեղդամահ արել թշուառ աշխատաւորներին:

Երբ աղքատ գիւղացին դորդը շալակած քաղաք էր շտապում ինքնապաշտպանութեան միջոցներ ձեռք բերելու համար, իսկ տեղական բոլոր ցեղերն ու վաշխառուները իրանց երկյարկանի տներում նստած՝ ոչինչ չէին ուզում անել, դիրքերը դուրս գալ անգամ չեն ցանկանում, որովհետեւ ցուրտ է, ցեխ է, կըմբսէին, կըկեղտուէին... ինչպէ՞ս կարող էր Դաշնակցութիւնը լռել: Գուցէ ժպտացող ու անցնողներ շատ լինէին, բայց Դաշնակցութիւնն այդպէս չարաւ. ամբողջի գոյութեան խնդիրն էր մէջ տեղ. և նա «բռնութեամբ» աղաներին դէպի դաշտ էր քշում, և նա «բռնութեամբ» ստիպում էր սարդերին՝ աղքատների համար ևս հոգալ, նրանց ևս միջոց տալ անհրաժեշտ մթերքներ գնելու:

Եղել են և իսկական կեղեքումներ տեղական խմբապետների ու զինւորների ձեռքով. բայց Դաշնակցութեան իսկական ներկայացուցիչները մի մի հարիւր աչքանի Արգոսներ չէին, որ մի այդպիսի խառն ժամանակ ամեն մի զեղծում տեսնէին. բռնողները պատժւել են: Յամենայն դէպս՝ այդ երեւոյթներն ընդհանրացնելն անագնւութիւն է, և այդ Դաշնակցութեան մեղը չէ, այլ բոլոր պոռոտախօսներինը, որ գործից փախած, օրհասական ըտպէին ժողովրդին երեսի վրայ էին թողել, և յետոյ միայն դուրս եկել նրա հոգսը քաշելու, նրան «փրկելու» մամուլի էջերում Դաշնակցութիւնը հայհոյելով:

Ամենախայտառակ մեղադրանքը, որ հակառակորդները ցանկացան փաթթել Դաշնակցութեան վրին, այդ այն էր, որ իրեն թէ այդ կուսակցութիւնն աղքատացրել է ժողովրդին և գիւղացիք ստիպւած՝ օտարութեան են դիմում...:

Շէշեդրինի հայ իմաստուն ծանծաղուկները տղմի մէջ խրւած իրանց պաղ ու պղտոր աչքերը շարունակ խորին իմաստութեամբ այս ու այն կողմ են յուժել, հոտ քաշել օդից, իմանալու համար, թէ որտեղից է վտանգի հոտ գալիս, և ամենախելօք քաղաքականութեամբ գլխին տղմի մէջ թաղել, եթի վտանգի ամենաթիւթն նշաններն են տեսել:

Բայց երբ վտանգն անցած համարեց, փոթորիկը կարծես թէ դադարեց, մեր իմաստուն քաղաքագէտ ծանծաղուկները դուրս եկան թագստարանից, «ըմբոստ» ճառեր արտասանելու կառավարութեան — ներողութիւն, նրանք այդքան էլ անխել չէին, — Դաշնակցութեան դէմ:

Ամեն տեսակ խայտառակութիւն, ամեն տեսակ հայհոյանք կարելի էր սպասել կրքից կուրացածներից, բայց այդ տեսակ մի սոսկալի զրպարտութիւն... երբէք: Դուրս է գալիս, որ Դաշնակցութիւնը իր գաւազներին կուլ տուող մի Կոռնոս է եղել. Դաշնակցութիւնը Դալիցինեան ծրագրերի աւելի լայն չափերով իրա-

գործողն է եղել. Դաշնակցութիւնն ու Սուլթան-Համիդը երկուրեւորեալ են եղել, որովհետեւ սուլթանը Տաճկա-Հայաստանն է սովորեալ ճիւղաներին մատնել, իսկ Դաշնակցութիւնը հովակաւ հայութեանը:

Որքան պէտք է ընկած լինի հակառակորդը, որ նոյն իսկ ընութեան արհաւիրքներն էլ բերէ և իբրեւ յանցանք՝ դիմացինի վրան բարդէ: Անատամ չարութեան ծայրակէտն է սա արդէն: Միթէ այդ դատախազները չգիտէին, որ կարկուտը երկու անգամ եկել ու ոչնչացրել էր արտերը. միթէ չգիտէին, որ դաշտերն անհերկել էին մնացել երկարատեւ ընդհարումների պատճառով. միթէ չգիտէին, որ կուեկու, պաշտպանելու համար անհրաժեշտ միջոցներ էին հարկաւոր, որ գնդակներն օդից չեն ձուլուում, իսկ մի Յունւարի 6-ի կռիւ՝ 40,000 ըստ ինքն է նստում: Գիտէին, բայց Դաշնակցութիւնն է. պէտք է խայթել, պէտք է հարւածել. ու նրանք խայթում էին անօրինակ զրպարտութիւններով, և առանց գիւղի, ժողովրդի երեսը տեսնելու, յայտարարում, թէ ժողովուրդն արդէն երես է դարձրել Դաշնակցութիւնից. բայց այդ միայն իրանց երազած ցանկութիւնն էր:

IV.

Իսկ Դաշնակցութիւնը... սառնասիրտ էր, նա արդեօք, երբ ինքնապաշտպանութեան ժամանակ իրան դաշնակցական համարող հարիւր-հազարաւոր ժողովրդի միջից դուրս էին գալիս մարդիկ, և Դաշնակցութեան անունով՝ զանազան անիրաւութիւններ կատարում: Ո՛չ, սառնասիրտ չէր: Մի քանի ամսից յետոյ ինքնապաշտպանութիւնը կազմակերպող դաշնակցականները տեսան այդ բոլորը և պարբերաբար տեղի ունեցող ժողովներում միջոցներ էին մտածում, թէ չարիքի առաջն ինչն է կարելի է առնել: Գրաւոր գեկուցումներ էին գալիս ու գալիս գաւառների ծայրերից, որոնցից մէկի մի կտորն այստեղ առաջ ենք բերում. գրւած է 1905 թ. Օգոստոսի 26-ին, Շուշայ առաջին դէպքերից յետոյ.

... «Մի խօսքով՝ այս տնաւեր հայ-թրքական ընդհարումը և տեղային փութկոտութեամբ կազմող ինքնապաշտպանութիւնը մեր կուսակցութեան բուն գործերը մեռեալ կէտի վրայ մեխեցին: Վերահաս վտանգ, կեանքի և մահու խնդիր կայ դրւած ասպարիզում. ինքնապաշտպանութեան գործը կլանել է ամեն բան և անս դուրս են սողում չարիքներ, որոնց դէմ թերեւ կարիք կըզգացել մոլեգնօրէն մաքառելու»...

... «Ամբողջ X-ն շրջանը դաշնակցական է կոչում իրան. դա ուղղակի մի տարօրինակ երևոյթ է. ինչպէս,—մի ժողովուրդ, որի գիտակցութեան աստիճանը վերջոյնքով միայն կարելի է չափել, մի ժողովուրդ, որի համար կատարեալ առեղծւած է մէկն ամենքի, ամենքը մէկի համար ապրելու սկզբունքը,—յանկարծ

նոյն այդ ժողովուրդը մի կարճ ժամանակի ընթացքում իրան Դաշնակցութեան մէջ է համարում և դաշնակցական կոչելու յաւակնութիւն ունի: Մարդիկ պատրաստ էին Դաշնակցութիւնն ընդունելու, կախարդական մի որեւէ ոյժ կամ այստեղ, արդեօք, որ գաւազանի մի հարւածով տասնեակ հազարաւոր մարդկանց կարողանար մտցնել Դաշնակցութեան վեհ զաղափարների աւազանը...: Երբեմնեայ տգրեկներն ու վաշխաւուններն այժմ իրանց դաշնակցական են կարծում. երբեմնեայ աւազակները, ժողովրդի կաշին քերթող կապալառուներն ու խօջաները, նրանց հետ և՛ քահանաներն ու տիրացուները, տաքարիւն երիտասարդներն ու 50—60 տարով բազմատանջ ժողովուրդ կեղեքելու բովից անցած ուստա սրիկաները, բոլորը, բոլորը «Դաշնակցական են...»

... «Մեծ շանսեր կան, որ X-ը շրջանը կարող է հասնել 1898 թւականի Սալմաստի դրութեանը՝ շնորհիւ այն հանգամանքի, որ ինքնապաշտպանութեան գործն ինքն ըստ ինքեան տրամադիր է ենիչալներ ծնելու, իսկ ընդհարումները մեզ ժամանակ չեն տալիս ընդարձակ չափով խօսելու ժողովրդի հետ այդ երեւոյթների մասին»:

«Բայց և այնպէս, որքան էլ խեղդելիս լինինք ինքնապաշտպանութիւնը կազմակերպելու դժուարին գործով, այնուամենայնիւ, հարկաւոր է ցոյց տալ ժողովրդին, որ Դաշնակցութիւնը գրպանահատներ ու աւազակներ հովանաւորող չէ, այլ նրանց դէմ մաքառող. որ Դաշնակցութեան ոյժը ոչ թէ մտրակի, այլ մտրակ խլելու մէջ է, որ Դաշնակցութիւնը երբէք չի կարող դաշնակցական հաշւել և ընդունել իւր մէջ նրանց, որոնք յղիացած են ժողովրդի հաշւին»...

Գաւառների վերաբերմամբ այդպիսի հայեացք են ունեցել Դաշնակցութեան ներկայացուցիչները. նրանք նախատեսել են նոյն իսկ ինքնապաշտպանութիւնից բղխելիք չարիքները. նրանք չէին կարող Դաշնակցութեանն ապաւինած հարիւր-հազարաւոր գիւղացիութիւնը դաշնակցական համարել. բայց հակառակորդներն այդ իմանալով հանդերձ՝ բոլոր չարիքների ծնողը և կատարողը Դաշնակցութիւնը համարեցին: Այն մարդիկ, որ Պիղատոսի նման ձեռներն լացած՝ արեան ու կրակի օրերում դատապարտելի անտարբերութեամբ մի կողմ էին կանգնել, արհաւիրքն անցնելուց յետոյ դուրս եկան մի ինչ-որ անհասկանալի մաղձով լցւած և սկսեցին պողահարել, անւանարկել այն միակ տանջուած կուսակցութեանը, այն Դաշնակցութեանը, որ իւր արիւնն էր զոհարեւել ժողովրդի գոյութիւնը պահպանելու համար: Մինչդեռ Դաշնակցութեան բոլոր հակառակորդները, մեծից մինչև փոքրը՝ չեն կարող ցոյց տալ մի մարդ Դաշնակցութեան պատկանողներից դուրս, որ գաւառներում, գիւղերում ինքն էլ գիւղացիներին հետ կուրծքը դէմ տւած լինի տեղացող գնդակներին:

V.

Ինքնապաշտպանութեան ժամանակ Դաշնակցութիւնը տեսաւ հայ ժողովրդի ոյժը. այդ կորացած. վշտահար գիւղացիութիւնը վտանգի ռոպէներում երևան ելաւ իւր ամբողջ պատկերով, իւր ամբողջ հասակով: Եւ դեռ ընդհարումների կէսին էր, որ մտածւեց ինքնապաշտպանութիւնը յանձնել ժողովրդին, միայն այն պայմանով, որ Դաշնակցութիւնը միառ ժամանակ ղեկավարի դեր կատարէ, ապա, որոշ ժամանակից յետոյ՝ ղեկավարութիւնն էլ տալ ժողովրդական ներկայացուցիչների ձեռքը, և նրանց նըպաստել միայն զանազան ճանապարհներում, որոնք դեռ ևս անձանօթ էին ժողովրդին:

Կարծեմ առաջին անգամ այդ փորձն արեց Վարանդայում, և բաւական յաջող, թեթեւ պակասութիւններով, որ շուտով պիտի հարթուէին, իբրեւ անփորձութեան հետեանքներ: 1906 թւականի փետրւարի 5-ն էր այն օրը, երբ Վարանդայի 60 գիւղերից հաւաքւած ներկայացուցիչները պէտք է ընտրէին այն նոր մարմինն իրանց միջից, որ դաշնակցական ղեկավարներին կից մի մարմին կազմելով՝ միասին պէտք է վարէին ինքնապաշտպանութիւնը, մինչև որ բոլորովին վարժուէին, և ամեն ինչ յանձնէր իրանց:

Բայց... հպատակների հանգստութիւնն «ապահովող» աչքերն արթուն հսկում էին, գործը ժամանակաւորապէս վիժեց, և մէկը մինչև այսօր՝ դեռ բանտի պատերն է ճանկւտում...:

Սնւտ է, վիրաւորական է, երբ ասում են, թէ Դաշնակցութիւնը միացրել է ժողովրդի ձեռներէցութեան ոգին. ընդհակառակը, նա զարգացրել է. դրան ապացոյց այն հանգամանքը, որ մի ժամանակ անտարբեր, սառած ու քնած հասարակութիւնն այժմ շարժուն և հետաքրքիր է դարձել:

Ինքնապաշտպանութեան ամբողջ պատմութիւնը բաղմաթիւ փաստաթղթերի և վկայութիւնների հիման վրայ տալուց յետոյ միայն կարող է պարզւել, թէ Դաշնակցութիւնն ինչ խոշոր ծառայութիւն է մատուցել ժողովրդին՝ ինքնապաշտպանութեան ժամանակաշրջանում *):

*) Դաշնակցութիւնը և ինքնապաշտպանութիւնը գրեւորք՝ քաղածքներ ենք արել թերթում տպագրւած մեր յօդւածներից: Ա.



1. Բալա.—Հարուստ. և աղքատ. II տաղադրութիւն . . . 15 կող.
2. Պեւեխով.—Հաց, լոյս և աղքատութիւն . . . 12 »
3. Ֆելդօրովի.—Ինչպէս են ժողով. և ծախս. ժող. փող. 5 »
4. Կարմեյիւկ.—Կոր. լեր. քար. 2 »
5. Չերեով.—Գիւղ. և բանուորը 15 »
6. Պերենսօրժեր.—Ազգ. հարցը և սոց.-դեմոկրատիան . 5 »
7. Պրամայովի.—Գիւղացիներ. 5 »
8. Ե. Թովիսեան.—Արեւստ. միութիւններ . . . 15 »
9. Նոլօսօրժի.—Ինչ է իրաւական պետութիւնը . . . 15 »
10. Ն. Կարսնով.—Հող. հարցը Կոր-Չերեյանդիւրում . 2 »
11. Ժան Ժօրէս.—Բուրժ. սեւի. և նրա ապագայ գրաւումը . 5 »
12. Ա. Աբելեան.—Դեմոկ. ընտ. 12 »
13. Կաուցի.—Ազգութիւնների հարցը Ռուսաստանում . 3 »
14. Ա. Անտոնեան (Ղարիբ).—Ազատութեան ճանապարհ. 80 »
15. Ֆ. Լատալ.—Սահ. Լոյթ. մաս. 5 »
16. Ա. Ն. Ինչպէս կարելի է լուծել հողային հարցը . 12 »
17. Վ. Գալուբով.—Ինչ է ժող. 2 »
18. Ս. Ջաւաբեան.—Վեճակագր. տեղ. գիւղ. ազգայնակ. 25 »
19. Ալփոնս Դիւնան.—Ժողով. օրենս. դաշ. Զեյցերիայում 20 »
20. Դիլեսէյն.—Ով ինչ է ապր. 7 »
- 21.—Մի գրոյց հողի մասին 5 »
22. Լ. Շիւելօ.—Ազգ. ծր. հարցը 7 »
23. Ա. Նիկոլայեւ.—Կօօպերացիան 1 »
24. Շաապ. օգոտ. ձեր իրատունը. 1 »
25. Լ. Պետրով.—Երկու ծրագիր 20 »
26. Ս. Վ. Եսսեկ.—Պետ. կազմակերպ. հիմքերը Արեւմտ. 12 »
27. Անսկիլ.—Գիւղաց. հարցը Ֆրանսիայում . . . 7 »

28. Մ. Յովնանիսեան.—Դուր. և նրա հակառակորդները 50 կող.
29. Ժ. Գեղ. և պ. Լամարգ.—Տնտես. դարգ. և Սոցիալիզմ 5 »
30. Նոլօսօրժի.—Ազգ. հարցը, Անտոնօֆիա և Ֆելդեյացիա 7 »
31. Բորմանկ կարգեր . . . 7 »
32. Մ. Յովնանիսեան.—Գորդ. հանգույցը (տաճկահ. խնդիրը վերջ. շրջ.) . . . 20 »
33. Հրահանգներ զատու. համար 34 »
34. Վ. Չերեով.—Դատարարական կառ. թէօրեայի շուրջը 10 »
35. Լ. Շիւելօ.—Նազադգոյն ծր. րազմը . . . 12 »
36. Ս. Նեկրասով.—Ինչ կարգեր են հարկատու ժողովրդին 10 »
37. Ա. Շախար.—Ֆելդեյացիա և դեմոկրատիզմ . . . 30 »
38. Արամայիս.—Վնտագիւորը 4 »
39. Արամայիս.—Մի քանի գլուխ հայ-թրքական ընդհար. . 25 »
40. Մ. Յովնանիսեան.—Առկկ. Վանդ. (հայ-թրք. ընդհար.) : 5 »
41. Շ. Գօրգեւ.—Ինչպէս իրական. ազգութիւն. հաստ. . . 7 »
42. Գ. Խամակ.—Դէպի Ֆելդեր. 80 »
43. Վ. Չերեով.—Պրօլետար. և աշխատաւոր դիւղացիութիւնը . . . 18 »
44. Արամովա.—Գիւղացիներ և բանուոր . . . 3 »
45. Է. Վանդեբլեյ.—Բանուոր դատարար. գրութ. Քիլդիայում 45 »
46. Ս. Ջակ.—Հող և կապիտալիզմ . . . 15 »
47. Վանդե.—Անդատաւորները 10 »
48. Մ. Յովնանիսեան.—Փիլիսոփայ. Սոցիոլոգ . . . 15 »
51. Արամայիս.—Մի քանի գլուխ հայ-թրքական ընդհարում. 1 »

Պատրաստուում են տաղադրութեան համար մի քանի խմբերի գրքեր:

Դիմել՝ Բագու «Մասրուդնիկին»
Երևան.—Ս. Օհանջանեանին.
Թիֆլիս Նիկ. Մատինեանին «Փարոս».

Յանկացողները կարող են ստանալ գրադարանի բոլոր գրքերը միասին, չըվճարելով ճանապարհածախսը:

ՀՀ Ազգային գրադարան



NL0412084

